



Addysg Ddewisol yn y Cartref (EHE)

Canllawiau Addysg Ddewisol yn y Cartref i Awdurdod Lleol Sir Benfro a Phartneriaid

Penawdau'r Penodau:

1. Cyflwyniad a'r Cynnwys Tudalen 3

2. Canllawiau i'r Awdurdod Lleol Tudalen

- Y broses ddatgofrestru - Ysgol
- Partneriaeth Rhieni – cysylltu i gael cyngor ar Addysg Ddewisol yn y Cartref
- Y broses ddatgofrestru - ALI
- Y fframwaith cyfreithiol
- ADY a Datganiadau (gan gynnwys Ysgol Arbennig Portfield)
- Diogelu

3. Canllawiau i Rieni Tudalen

- Gwasanaeth Cyngori'r Partneriaeth Rhieni
- Rôl yr Athrawes Ymgynghorol Addysg Ddewisol yn y Cartref
- Gwaith y plentyn / person ifanc
- Dulliau Addysg Ddewisol yn y Cartref
- Arholiadau

4. Gwasanaethau / Cyngor y Partneriaeth Rhieni Tudalen

- Y Gwasanaeth Partneriaeth Rhieni
- Manylion cyswllt
- Gwefan
- Y cyfryngau cymdeithasol

5. Atodiadau ac Adnoddau

- Atodiad 1 – Ffurflen ddatgofrestru
- Atodiad 2 – Llythyr oddi wrth yr Awdurdod Lleol yn Cydnabod Derbyn y llythyr (datgofrestru)
- Atodiad 3 – Dolenni ac adnoddau defnyddiol i rieni
- Atodiad 4 – Adroddiad Enghreifftiol gan yr Athrawes Ymgynghorol Addysg Ddewisol yn y Cartref

CYFLWYNIAD

Addysg Ddewisol yn y Cartref yw lle mae rhiant yn dewis cymryd cyfrifoldeb personol am ddarpariaeth addysgol eu plentyn, gan gynnwys cynllunio a chyflwyno rhaglen addysgol. Cyfeirir yn aml at hyn fel “Addysg Ddewisol yn y Cartref” neu “addysg heblaw yn yr ysgol” fel yn Adran 7 Deddf Addysg 1996.

Yng Nghymru, fel gyda gweddill y DU, mae addysg yn orfodol ond nid yw ysgol yn orfodol.

Mae Erthygl 2, Protocol 1 y Confensiwn Ewropeaidd ar Hawliau Dynol yn datgan:

Ni ddylid gwrthod i unrhyw unigolyn gael yr hawl i addysg. Wrth arfer unrhyw swyddogaethau y mae'n eu hysgwyddo mewn perthynas ag addysg ac addysgu, dylai'r Wladwriaeth barchu hawl rhieni i sicrhau bod addysg ac addysgu o'r fath yn cydymffurfio â'u daliadau crefyddol ac athronyddol hwy eu hunain.

Gorwedd y brif ddyletswydd i addysgu plentyn gyda'r rhieni ac i'r rhan fwyaf o blant mae hyn yn golygu y byddant fel arfer yn mynd i'r ysgol, ond am amryw resymau mae rhai rhieni'n penderfynu cymryd cyfrifoldeb am addysgu eu plant y tu allan i'r system ysgolion.

Mae Cyngor Sir Penfro (CSP) yn cydnabod ac yn parchu hawl rhieni/ gofalwyr i addysgu eu plant gartref ac mae'n ymrwymedig i weithio gyda rhieni/ gofalwyr.

Ar adegau efallai y bydd ar y rhiant angen cymorth i ddeall eu rôl, ac efallai y bydd angen i ni roi'r cyfle iddynt gyflwyno tystiolaeth o brofiad dysgu'r plentyn i ddangos cynnydd addysgol parhaus y plentyn.

Bydd yr Awdurdod yn mynd ati'n rheolaidd i adolygu ei holl arferion a gweithdrefnau mewn perthynas ag addysg ddewisol yn y cartref i sicrhau bod ymarfer yn addas ar gyfer y diben a bydd yn ymgynghori â rhieni sy'n darparu addysg ddewisol yn y cartref i ddatblygu perthnasoedd a rhoi llais i blant sy'n cael addysg yn y cartref.

Y FFRAMWAITH CYFREITHIOL

Mae Adran 7 Deddf Addysg 1996 yn rhoi'r hawl i rieni addysgu eu plant gartref:

'Dylai rhiant pob plentyn o oedran ysgol gorfodol beri iddo/iddi/iddynt gael addysg lawn-amser effeithlon sy'n addas

- a) l'w (h)oedran, gallu a thueddfryd a
- b) Ar gyfer unrhyw anghenion addysgol arbennig a all fod ganddo/ganddi/ganddynt naill ai trwy fynychu ysgol yn rheolaidd neu fel arall.

Nid oes deddfwriaeth sy'n gorfodi rhieni i hysbysu'r ALI os ydynt yn addysgu eu plant gartref. Felly, bydd plant nad ydynt erioed wedi mynychu'r ysgol, neu sydd wedi symud i mewn i'r sir o awdurdod arall, yn anhysbys i'r ALI oni bai bod y rhiant wedi dewis cysylltu â'r Awdurdod neu fod trydydd parti wedi hysbysu'r Awdurdod.

Addysg 'lawn-amser', 'addas' ac 'effeithlon'?

Mae'r llysoedd wedi darparu canllawiau ynghylch yr hyn yr ystyrir ei bod yn addysg 'addas' ac 'effeithlon'. Mae addysg yn 'effeithlon' os yw'n 'cyflawni'r hyn y mae'n ceisio'i gyflawni' ac mae'n 'addas' os yw'n 'paratoi'r plentyn ar gyfer bywyd mewn cymdeithas wâr fodern ac yn galluogi'r plentyn i gyflawni eu llawn botensial'3. Mae hyn yn golygu y dylai addysg amcanu at alluogi'r plentyn, pan fo wedi tyfu'n oedolyn, i weithredu fel dinesydd annibynnol y tu hwnt i'r gymuned y'i magwyd ynddi, os mai dyna'r dewis a wneir yn ddiweddarach yn ei oes gan y plentyn. Rhaid i addysg fod yn addas ar gyfer oedran, gallu a thueddfrydau'r plentyn, ac unrhyw anghenion addysgol arbennig a all fod gan y plentyn.

Nid oes diffiniad cyfreithiol ar hyn o bryd o ystyr addysg 'lawn-amser'. Ar gyfer teuluoedd sy'n addysgu gartref, gall fod cyswllt un-i-un neu mewn grŵp bach sydd bron yn barhaus a gall addysg ddigwydd y tu allan i 'oriau ysgol' arferol. Bydd y cwestiwn a yw addysg i blentyn penodol yn llawn-amser yn dibynnu ar amgylchiadau pob achos; ond fel rhieni/gofalwyr dylech o leiaf allu mesur a dangos am faint o amser y mae eich plentyn yn cael ei addysgu. Bydd addysg y mae'n amlwg nad yw'n mynd â chyfran sylweddol o'r amser ym mywyd plentyn mwy na thebyg yn methu ag ateb y gofyniad bod rhaid i addysg fod yn 'llawn-amser'.

Mae Adrannau 437 i 443 Deddf Addysg 1996 yn gosod dyletswydd ar awdurdodau addysg lleol i gymryd camau penodol os yw'n ymddangos nad yw plentyn yn cael ei addysgu'n briodol.

"Fel arall, dylai'r ALI dybio bod darpariaeth addysgol ddigonol yn digwydd, sy'n addas ar gyfer y plentyn, oni bai bod tystiolaeth i'r gwrthwyneb. Nid oes gofyniad penodol yn Neddf 1996 i ALLau ymchwilio'n weithredol i ganfod a yw rhieni'n cydymffurfio â'u dyletswyddau dan Adran 7." Fframwaith Presenoldeb Cymru Gyfan, 2016 (t.78).

"Os yw'n ymddangos i awdurdod addysg lleol nad yw plentyn o oedran ysgol gorfodol yn ei ardal yn cael addysg addas, naill ai trwy fynychu ysgol yn rheolaidd neu fel arall, dylai gyflwyno rhybudd ysgrifenedig i'r rhieni yn ei gwneud yn ofynnol iddynt ei argyhoeddi o fewn y cyfnod a nodir yn y rhybudd bod y plentyn yn cael addysg o'r fath". (a437 (1))

Mae dyletswydd gyfreithiol yr Awdurdod Lleol yn ymwneud â phlant yr ymddengys nad ydynt yn cael addysg addas a'r plant hynny yn unig. Y tu hwnt i hyn, nid oes unrhyw beth yn y Ddeddf yn ei gwneud yn ofynnol i awdurdod lleol fynd ati'n rheolaidd i fonitro darpariaeth lle mae plentyn yn cael addysg heblaw yn yr ysgol.

Ar ôl gwneud ymholiadau rhesymol, os nad yw wedi bod yn bosibl argyhoeddi'r Awdurdod bod addysg lawn-amser addas, effeithlon yn cael ei darparu, gall yr ALI gyflwyno Gorchymyn Mynychu'r Ysgol sy'n cyfarwyddo'r rhiant/gofalwr i anfon eu plentyn i ysgol benodol. Os yw rhiant yn methu â chydymffurfio â Gorchymyn Mynychu'r Ysgol mae'n euog o drosedd dan adran 443 (1) Deddf Addysg 1996, oni bai y profir yn ddiweddarach bod y plentyn, mewn gwirionedd, yn cael addysg addas heblaw yn yr ysgol. I gael rhagor o wybodaeth gweler Canllawiau Llywodraeth Cymru ar Addysg Ddewisol yn y Cartref (2017) (202/2016)/ Fframwaith Presenoldeb Cymru Gyfan 2016.

Os yw'r plentyn wedi'i gofrestru mewn ysgol ac wedyn yn peidio â mynychu'n rheolaidd, gall yr ALI erlyn y rhiant dan adran 444.1 neu 444.1(a) am fethu â sicrhau bod disgybl sydd wedi'i gofrestru'n mynychu'r ysgol yn rheolaidd.

YSGOLION

Tynnu oddi ar gofrestr yr ysgol

Ar ôl i'r ysgol gael hysbysiad ysgrifenedig ynghylch bwriad rhiant i addysgu eu plentyn/plant yn y cartref, rhaid tynnu enw'r plentyn/plant oddi ar y gofrestr derbyn (Rheoliad 8(1)(d) yn Rheoliadau Addysg (Cofrestru Disgyblion) (Cymru) 2010). Rhaid i'r ysgol (gan gynnwys y rhai yn y sector annibynnol) gyflwyno ffurflen (sy'n rhoi enw a chyfeiriad y plentyn) i'r ALI o fewn y 10 niwrnod ysgol yn dilyn dyddiad tynnu enw'r plentyn oddi ar y gofrestr (rheoliad 12(3)). Dyddiad y llythyr oddi wrth y rhiant yw'r dyddiad y caiff y plentyn ei dynnu oddi ar gofrestr yr ysgol.

Gofynnir i bob ysgol gwblhau ffurflen datgofrestru (Atodiad 1) ynghyd â chopi o'r cais oddi wrth y rhiant / gofalwr i dynnu enw'r plentyn oddi ar gofrestr yr ysgol.

Os oes gan yr ysgol unrhyw bryderon ynghylch y plentyn / rhiant dylai hysbysu'r ALI ar y ffurflen datgofrestru.

Y Gwasanaethau Partneriaeth Rhieni (GPRh)

Mae Cyngor Sir Penfro'n defnyddio'r Gwasanaeth Partneriaeth Rhieni lleol a all helpu i atal anawsterau rhag cynyddu'n anghytundebau ac i sicrhau bod gan rieni fynediad at wybodaeth, cyngor ac arweiniad fel eu bod yn gallu gwneud penderfyniadau priodol a gwybodus. Fel rhan o'r broses ddatgofrestru, bydd y GPRh yn cysylltu â rhieni i drafod eu rhesymau dros yr hysbysiad i ddatgofrestru eu plentyn.

I gael rhagor o wybodaeth gweler y tudalennau am Addysg Ddewisol yn y Cartref ar wefan y GPRh yn: <https://www.pembrokeshire.gov.uk/specialist-services-and-provision/elective-home-education>

Neu ffoniwch y Bartneriaeth Rhieni ar: 01437 776354

E-bost pps@pembrokeshire.gov.uk.

Proses yr Awdurdod Lleol

Lle mae'r ALI wedi cael ei hysbysu gan yr ysgol bod plentyn yn cael ei dynnu'n ôl gyda'r bwriad o'i addysgu gartref, yn Sir Benfro bydd y Gwasanaeth Partneriaeth Rhieni'n cysylltu â'r rhiant i drafod unrhyw faterion y gallant fod wedi'u profi neu unrhyw gyngor y mae arnynt ei eisiau mewn perthynas ag addysgu eu plentyn gartref.

Ar ôl cael y llythyr / yr e-bost oddi wrth y rhieni, bydd yr ALI yn ysgrifennu at y rhieni i gydnabod cael yr hysbysiad (Atodiad 2).

Dylai'r ALI ystyried hefyd a oes tystiolaeth i ddynodi bod achos i bryderu ynghylch tynnu'r plentyn o'r ysgol. Dyma pam ein bod yn gofyn i ysgolion gwblhau ffurflen datgofrestru er mwyn deall yn llawn y rhesymau dros Addysg Ddewisol yn y Cartref a hefyd unrhyw bryderon a all fod gan yr ysgol ynghylch tynnu'r plentyn oddi ar y gofrestr.

Ni ddylai penderfyniad rhiant i addysgu gartref ynddo'i hun fod yn rheswm dros bryderu ynghylch lles y plentyn. Fodd bynnag, fe all fod amgylchiadau a fydd, yn unigol neu ar y cyd, yn ennyn chwielfrydedd gweithwyr proffesiynol ac yn peri iddynt ymchwilio ymhellach. Mewn achosion o'r fath, bydd angen i'r ALI ystyried a yw'n mynd i gysylltu â gwasanaethau ac asiantaethau perthnasol eraill. Gallai'r amgylchiadau dan sylw gynnwys:

- Lle canfuwyd fod plentyn neu aelod o'r teulu'n rhywun sydd mewn angen
- Lle mae plentyn neu aelod o'r teulu wedi cael ei atgyfeirio at y gwasanaethau cymdeithasol neu'r heddlu am resymau sy'n ymwneud ag amddiffyn plant, a bod ymchwiliad yn cael ei gynnal i'r mater
- Lle mae plentyn neu frawd neu chwaer ar y gofrestr amddiffyn plant
- Lle mae plentyn neu aelod o'r teulu wedi cael ei atgyfeirio am resymau sy'n ymwneud â gofal ac amddiffyn, a bod yr atgyfeiriad yn cael ei ystyried
- Lle mae gofyniad goruchwyllo'n bodoli ar gyfer plentyn
- Lle gwyddys fod plentyn yn ofalwr
- Lle nad yw plentyn wedi cael ei weld am beth amser gan unrhyw un o'r gwasanaethau cyffredinol
- Lle mae aelod o'r cyhoedd yn codi pryder ynghylch lles plentyn
- Lle mae teulu'n ynysu eu hunain oddi wrth wasanaethau a gofal iechyd rheolaidd.

Daeth Deddf Gwasanaethau Cymdeithasol a Llesiant (Cymru) 2014 i rym yng Nghymru ym mis Ebrill 2016 ac mae'n darparu fframwaith cyfreithiol wedi'i gryfhau ar gyfer diogelu plant ac mae wedi cyflwyno 'dyletswydd i hysbysu'r' ALI ac yn diffinio 'plentyn sy'n wynebu risg'.

Rhaid i staff ar draws yr ALI, y gwasanaeth iechyd a'r heddlu hysbysu'r ALI ynghylch pryderon lle mae ganddynt achos rhesymol i amau bod plentyn yn wynebu risg o gael ei gam-drin, ei esgeuluso neu ei niweidio. Yn dilyn hysbysiad o'r fath, ac os yw wedi'i argyhoeddi bod achos rhesymol i amau bod y plentyn yn dioddef neu'n debygol o ddioddef niwed sylweddol, rhaid i'r ALI arfer ei ddyletswydd bresennol i ymchwilio dan adran 47 Deddf Plant 1989. O dan amgylchiadau penodol gallai ALI ystyried ymgeisio am orchymyn asesu plentyn (GAP) dan adran 43(1)(a) Deddf Plant 1989. Dylai'r ALI geisio cyngor cyfreithiol gan ei hadran gyfreithiol cyn gwneud cais o'r fath.

Ysgol Annibynnol / Ysgolion Anghyfreithlon

Rhaid i unrhyw ddarpariaeth sy'n cyfateb â'r diffiniad o ysgol annibynnol, hynny yw, sy'n darparu addysg lawn-amser ar gyfer:

- pum dysgwr neu fwy o oedran ysgol gorfodol
- un dysgwr neu fwy nag un dysgwr o oedran ysgol gorfodol â datganiad o anghenion addysgol arbennig

fod wedi'i chofrestru gyda Llywodraeth Cymru – mae unrhyw un sy'n cynnal ysgol annibynnol heb i'r ysgol fod wedi'i chofrestru'n torri'r gyfraith a gall gael dirwy a/neu gael ei garcharu.

ADY – Plant â datganiadau o AAA

Dim ond os nad yw'n angenrheidiol mwyach iddo'i gynnal mewn perthynas â phlentyn sy'n cael Addysg Ddewisol yn y Cartref y gall yr ALL roi'r gorau i gynnal datganiad o AAA. Wrth benderfynu a dyna'r sefyllfa ai peidio, bydd yn dibynnu a yw'r rhieni'n gallu gwneud darpariaeth addas ar gyfer anghenion arbennig y plentyn. Gall y ddarpariaeth honno fod yn wahanol i'r un a nodir yn y datganiad. Y cwbl y mae'n rhaid i rieni ei wneud yw darparu addysg effeithlon sy'n addas ar gyfer oedran, gallu a thueddfryd y plentyn, ac ar gyfer unrhyw AAA a all fod gan y plentyn, fel a nodir yn adran 7 Deddf Addysg 1996.

Os yw wedi'i argyhoeddi bod trefniadau'r rhieni'n addas, gall yr ALL gael ei ryddhau o'i ddyletswydd i drefnu'r ddarpariaeth a nodir yn y datganiad. Fodd bynnag, os yw trefniadau'r rhieni'n methu â diwallu anghenion y plentyn, yna nid yw'r rhieni'n gwneud trefniadau addas ac ni chaiff yr ALL ei ryddhau o'i gyfrifoldeb i drefnu'r ddarpariaeth yn y datganiad. Mewn rhai achosion efallai mai cyfuniad o ddarpariaeth gan rieni a'r ALL fyddai'n diwallu anghenion y plentyn orau.

Tra bo'r datganiad yn cael ei gynnal mae'n rhaid iddo gael ei adolygu'n flynyddol, gan ddilyn y gweithdrefnau a nodir ym Mhennod 9 *Cod Ymarfer Anghenion Addysgol Arbennig Cymru, sydd i'w gael yn*; <https://llyw.cymru/sites/default/files/publications/2018-03/cod-ymarfer-anghenion-addysgol-arbennig-cymru.pdf>

Gall rhieni plentyn sy'n cael Addysg Ddewisol yn y Cartref nad oes ganddo/ganddi ddatganiad AAA ofyn i'r ALL gynnal asesiad statudol o anghenion addysgol y plentyn dan adran 328 neu adran 329 Deddf Addysg 1996. Yng ngoleuni asesiad o'r fath ac unrhyw sylwadau a wneir gan y rhiant, os oes angen i'r ALL bennu'r ddarpariaeth addysgol arbennig a fynnir gan unrhyw anhawster dysgu sydd gan y plentyn, dylai'r ALL wneud a chynnal datganiad o AAA.

Nid yw Adran 324(4A) Deddf Addysg 1996 yn ei gwneud yn ofynnol darparu enw'r ysgol yn Rhan 4 y datganiad, os yw rhiant y plentyn wedi gwneud trefniadau addas ar gyfer y ddarpariaeth addysgol benodol a nodir yn y datganiad. Dylai fod trafodaeth rhwng yr ALL a'r rhieni ac, yn hytrach nag enw'r ysgol, dylai Rhan 4 y datganiad grybwyll y math o ysgol sy'n briodol ym marn yr ALL, ond mynd ymlaen i ddweud 'mae'r rhieni wedi gwneud eu trefniadau eu hunain dan adran 7 Deddf Addysg 1996'. Gall y datganiad hefyd nodi unrhyw ddarpariaeth y mae'r ALL wedi cytuno ei gwneud dan adran 319 y Ddeddf honno i helpu'r rhieni i ddarparu addysg addas ar gyfer eu plentyn gartref.

Ysgol Arbennig Portfield

Os yw plentyn wedi'i gofrestru yn Ysgol Arbennig Portfield bydd angen i'r rhiant gael caniatâd gan yr Awdurdod Lleol i dynnu enw'r plentyn oddi ar gofrestr yr ysgol. Fel gydag unrhyw blentyn arall sydd â datganiad o AAA, rhaid i'r addysg a ddarperir gyrraedd nodau'r Datganiad.

RHIENI

Mae'n bwysig i'r rhiant / gofalwr feddwl pam eu bod yn ystyried Addysg Ddewisol yn y Cartref. Mae addysg effeithiol yn y cartref yn gofyn ymrwymiad ynghyd ag amynedd a dyfalbarhad a gallai'r penderfyniad ddwyn goblygiadau mawr ar gyfer dyfodol y plentyn.

Ein nod yw sicrhau bod teuluoedd yn ymwybodol o'r gwasanaethau sydd ar gael yn lleol a'u bod yn gwybod sut i gael mynediad atynt. Ceir nifer o rieni y mae arnynt eisiau dewis yn lle'r ysgol ac mae'r Awdurdod Lleol (ALI) yn ymdrechu i sicrhau bod eich plentyn yn cael y cyfle gorau posibl ar gyfer dysgu a chymorth yn ystod ei gyfnod o addysg ddewisol yn y cartref. Bydd Awdurdod Lleol Sir Benfro'n ceisio cydweithio gyda rhieni sy'n darparu Addysg Ddewisol yn y Cartref i roi anogaeth ar gyfer rhwydweithiau cyfathrebu a gweithio cefnogol o fewn a rhwng y grwpiau ac unigolion lleol sy'n ymwneud ag Addysg Ddewisol yn y Cartref.

Ceir cyngor a gwefannau defnyddiol yn Atodiad 3.

Rhesymau dros Addysg Ddewisol yn y Cartref (EHE)

Mae'r gymuned Addysg Ddewisol yn y Cartref yng Nghymru'n boblogaeth amrywiol gyda theuluoedd yn dewis addysgu yn y cartref am amrywiaeth o resymau. Mae'r rhain yn cynnwys:

- rhesymau ideolegol neu athronyddol
- iechyd (gan gynnwys iechyd a lles emosiynol)
- diwylliannol
- crefyddol
- bwlio
- darpariaeth addysgol arbennig
- dewis iaith
- hyd y siwrne i ac o'r ysgol
- disgwyl am le mewn ysgol o'u dewis
- dull hyblyg ac un sydd wedi'i deilwra.

Dyma rai pethau y gall fod arnoch eisiau eu hystyried:

- Ai dyma'r dewis gorau i'm plentyn ac a oes gan eich plentyn farn gadarnhaol ynglŷn â'r penderfyniad?
- Yr hyn yr ydych yn bwriadu ei wneud â'ch plentyn/plant cyn gwneud penderfyniad
- Y goblygiadau ariannol megis llyfrau, adnoddau, ymweliadau addysgol, tiwtoriaid, arholiadau a.y.b.
- Bod gennych yr amser i'w gysegru i addysg eich plentyn a'ch bod yn teimlo'n hyderus i addysgu eich plentyn yn effeithiol
- Bod cyfleoedd ar gyfer astudio'n annibynnol ac ardaloedd astudio tawel posibl
- Bod cyfleoedd ar gyfer ymarfer corff

- Bod rhywfaint o gymorth ar gael i chi
- Bod profiadau cymdeithasol gyda phlant eraill ar gael, gan y gallai eich plentyn golli ochr gymdeithasol yr ysgol, cyfeillgarwch a.y.b.

Sut mae dangos darpariaeth addysgol foddhaol?

Rhaid i'r awdurdod lleol fod wedi'i argyhoeddi bod yr addysg sy'n cael ei darparu'n addas ar gyfer 'oedran, gallu a thueddfryd eich plentyn ac unrhyw anghenion addysgol arbennig a all fod ganddo/ganddi/ganddynt'. Edrychir ar y dystiolaeth a gyflwynir gennych yn y goleuni hwn. Mae llawer o wahanol ddulliau o ddarparu addysg yn y cartref. Er enghraifft, mae rhai rhieni/gofalwyr yn teimlo y bydd eu plentyn yn dysgu trwy brofiad, gyda'r addysgwr fel helpwr a thywysydd, gan ddefnyddio profiad y plentyn fel sail ar gyfer dysgu. Mae rhieni/gofalwyr eraill yn dewis addysgu eu plant mewn ffordd sy'n debyg i amserlen ysgol, gyda phynciau'n cael eu haddysgu mewn ffordd fwy ffurfiol a chyda maes llafur eglur a all gynnwys targedau i'w plant eu cyrraedd. Dewis i chi ei wneud yw'r athroniaeth ac fe all newid dros amser. Eich cyfrifoldeb chi yw darparu enghreifftiau sy'n dangos addasrwydd darpariaeth addysgol eich plentyn yn eglur.

Wrth ddangos tystiolaeth o addasrwydd y ddarpariaeth addysgol fe allwch, er enghraifft, ddarparu'r wybodaeth hon yn y ffyrdd canlynol:

- anfon gwybodaeth trwy'r e-bost fel atodiad
- bod eich plentyn yn dangos peth o'i waith neu'n siarad am ei weithgareddau dysgu
- gwaith gwreiddiol
- llungopïau o waith ysgrifenedig
- ffotograffau
- gwaith celf
- llyfrau lloffion
- cyflawniadau cerddorol ac ym myd y campau)
- dyddiadur o ddigwyddiadau
- recordiadau ar gwyno ddisgiau
- defnyddio cyfryngau digidol
- gwefannau y cyfrannwyd iddynt/a grëwyd gan eich teulu
- adroddiad ysgrifenedig.

Dulliau o ddarparu addysg yn y cartref

Strwythuredig

Amserlen neu drefn benodedig gyda'r cynnwys weithiau'n dilyn y cwricwlwm cenedlaethol.

Mae dysgu ffurfiol neu â ffocws pendant yn digwydd am rhwng tair a phum awr y dydd, gyda chwarae rhydd neu brosiectau a gychwynnir gan y plentyn yn y prynhawn.

Mae gwibdeithiau, grwpiau, cyrsiau, gweithgareddau a chyfleoedd dysgu ychwanegol yn atgyfnerthu neu'n gwreiddio'r dysgu.

Dysgu annibynnol neu a arweinir gan y plentyn

Caiff y dysgu ei ysgogi a'i gychwyn gan y dysgwr a'i hwyluso gan y rhiant.

Mae nifer o ddulliau methodolegol neu ideolegol megis:

seiliedig ar unedau neu brosiectau

'clasurol' – tri cham i baratoi'r dysgwr i'w addysgu ei hun wedyn

'Charlotte Mason' – trwy ymgysylltu â llyfrau wedi'u hysgrifennu'n dda.

Addysgu anffurfiol

Anogir y dysgwr i gychwyn ei weithgareddau dysgu ei hun trwy archwilio ac ymgysylltu â gweithgareddau a gaiff eu creu neu eu canfod gan y dysgwr ei hun.

Mae rhieni'n hwyluso mynediad at gyfleoedd ond yn ceisio peidio tywys nac arwain.

Hawliau'r plentyn

Mae Erthygl 28 Confensiwn y Cenhedloedd Unedig ar Hawliau'r Plentyn (CCUHP) yn amodi bod gan blant a phobl ifanc yr hawl i addysg ni waeth ble y maent.

Mae Deddf Plant 2004 yn glir o ran ei disgwyliad y bydd plant a phobl ifanc yn rhan o benderfyniadau yn eu cylch ac y bydd pwys oedran-briodol yn cael ei roi i'w barn. Lle maent wedi cyrraedd oedran digonol ac yn meddu ar allu meddyliol digonol mae'n bwysig y dylent gael y cyfle i'w barn gael ei chlywed a'i hystyried mewn penderfyniadau sy'n effeithio ar eu hiechyd, eu haddysg a'u lles.

Mae Erthygl 12 CCUHP yn ei gwneud yn ofynnol i wladwriaethau ddarparu hawl i blant fynegi eu barn a bod pwys dyladwy yn cael ei roi ar y farn honno, yn unol ag oedran ac aeddfedrwydd y plentyn. Nid yw hyn yn rhoi awdurdod i blant drosoch chi, a mater i chi yw penderfyniad i addysgu plentyn gartref. Fodd bynnag, dylech ystyried a yw addysg yn y cartref yn bosibl yn realistig yn amgylchiadau penodol eich teulu chi, ac a yw eich plentyn yn hapus i gael ei addysgu yn y ffordd yma.

Rôl yr Athrawes Ymgynghorol Addysg Ddewisol yn y Cartref

Argymhellir bod cyfarfod cychwynnol yn cael ei gynnal gyda theuluoedd sy'n darparu Addysg Ddewisol yn y Cartref i drafod eu darpariaeth ac unrhyw gyngor a chymorth parhaus y gall fod arnynt ei (h)angen. Fel arfer dylai'r cyswllt â'r teulu gael ei wneud yn ysgrifenedig a dylai geisio cyfarfod neu ofyn am ddiweddariad ysgrifenedig. Dylid cynnal cyfarfodydd mewn lleoliadau y cytunwyd arnynt rhwng y ddwy ochr. Wedyn argymhellir bod yr ALI yn ceisio cysylltu â theuluoedd sy'n darparu addysg yn y cartref o leiaf unwaith y flwyddyn. Lle mae rhieni'n dewis peidio â chwrdd â swyddogion yr ALI yn eu cartref*, dylid ceisio gwneud trefniadau eraill.

Mae'r cyfarfodydd hyn yn gyfle i roi gwybodaeth a chymorth i deuluoedd sy'n darparu addysg yn y cartref, i wrando ar unrhyw bryderon a all fod ganddynt ac ymateb iddynt. Maent hefyd yn gyfle i drafod barn plant a phobl ifanc a addysgir yn y cartref ynghylch yr addysg y maent yn ei chael, eu dewisiadau, dyheadau ac uchelgeisiau. Efallai y bydd swyddogion yr ALI yn dymuno gofyn i deuluoedd am gael gweld enghreifftiau penodol o ddysgu, e.e. lluniau, paentiadau a modelau, dyddiaduron o weithgarwch addysgol, prosiectau, asesiadau, samplau o waith, llyfrau neu ymweliadau addysgol.

Dylai'r ALI baratoi adroddiad (Sampl yn Atodiad 4) ar ôl cyswllt o'r fath, y dylid anfon copi ohono at y teulu, gan ddatgan a oes gan yr ALI unrhyw bryderon a oes addysg addas yn cael ei darparu. Dylai'r adroddiad hefyd nodi unrhyw argymhellion a wneir gan yr ALI ac unrhyw gamau gweithredu y bydd yr ALI yn eu cymryd ar ran y rhieni.

Ar ôl unrhyw gyfathrebu dros y ffôn dylid anfon cadarnhad ysgrifenedig o'r hyn a drafodwyd ac y cytunwyd arno.

Mae'n ofynnol i ALLau wneud trefniadau i adnabod plant o oedran ysgol gorfodol nad ydynt yn cael addysg addas (gweler 'Cyfrifoldebau'r ALI', tudalen 5). Trwy ddefnyddio'r cyfarfodydd hyn i ddatblygu perthnasoedd da â theuluoedd sy'n darparu Addysg Ddewisol yn y Cartref a chynnal deialog gadarnhaol gyda rhieni, mae swyddogion yr ALI mewn sefyllfa well i gefnogi teuluoedd a allai fod yn ei chael yn anodd darparu addysg addas.

*Sylwer: Oherwydd y cyfyngiadau Covid19 yng Nghymru ar hyn o bryd, mae'r mwyafrif o'r rhyngweithiadau â theuluoedd yn digwydd ar-lein i ddechrau ar hyn o bryd. Os nad yw'r athrawes ymgynghorol Addysg Ddewisol yn y Cartref yn gallu cysylltu â hwy bydd yn ysgrifennu at y rhiant / gofalwr i ofyn am samplau o waith.

Yn ychwanegol at hyn, os nad oes adborth ynghylch y ddarpariaeth hon, bydd yr Athrawes Addysg Ddewisol yn y Cartref yn anfon apwyntiad ar gyfer ymweliad ar drothwy'r drws â'r cyfeiriad cartref. Yn sgîl y cyfyngiadau Covid-19 ar hyn o bryd ni all yr athrawes ymgynghorol fynd i mewn i'r cartref.

Addysg Hyblyg

Trefniant rhwng y rhiant a'r ysgol yw 'addysg hyblyg' neu 'bresenoldeb hyblyg yn yr ysgol' lle caiff y plentyn ei gofrestru yn yr ysgol yn y ffordd arferol, ond lle mae'r plentyn yn mynychu'r ysgol ar sail ran-amser yn unig; am weddill yr amser caiff y plentyn ei addysgu gartref (yn ystod absenoldeb awdurdodedig o'r ysgol i bob pwrpas). Gwneir hyn weithiau fel mesur byrdymor am reswm penodol. Mae addysg hyblyg yn opsiwn cyfreithlon ar yr amod bod y pennaeth yn yr ysgol yn cytuno â'r cais. Fodd bynnag, nid Addysg yn y Cartref yw hyn – gan bod y plentyn yn aros ar gofrestr yr ysgol.

RHAI CWESTIYNAU A ALL FOD GAN Rienì

A yw eich plentyn yn gyndyn o fynychu'r ysgol?

Fe all fod llawer o resymau pam fod eich plentyn wedi mynd yn anhapus yn yr ysgol, e.e. problemau gyda disgyblion eraill, bwlio, anawsterau gyda phwnc penodol neu athro penodol/athrawes benodol, ofn methiant, ei chael yn anodd bod mewn ysgol Gymraeg a.y.b. Byddai'n ddefnyddiol trafod y materion hyn gyda Phennaeth yr Ysgol, y Pennaeth Blwyddyn neu un o swyddogion yr awdurdod lleol cyn eich bod yn ystyried tynnu eich plentyn yn ôl o'r ysgol oherwydd, yn aml iawn, gall problemau sydd i'w gweld yn amhosibl i'w goresgyn gael eu datrys yn gyflym ac yn rhwydd.

Mae llawer o deuluoedd di-Gymraeg yn symud i mewn i Sir Benfro ac mae'r plant yn amsugno'r iaith yn haws na'u rhieni. Mae Cymraeg yn bwnc gorfodol a addysgir ar lawer o wahanol lefelau, ond, os ydych yn poeni'n arbennig bod yr iaith yn achosi problem dylech siarad gyda'r ysgol i weld a ellir rhoi cymorth ychwanegol.

Mae gan bob ysgol yn Sir Benfro bolisi gwrthfwlio sy'n nodi sut y gall yr ysgol ddatrys materion. Siaradwch gyda'r ysgol am y broblem gan nad yw bwlio'n cael ei oddef yn ein hysgolion; bydd y Pennaeth yn awyddus i wrando arnoch.

Os yw eich plentyn ym mlwyddyn 10 neu 11 efallai y bydd wedi'i ddadrithio gan y cwricwlwm ysgol. Yn yr achos hwn, gallwch gwrdd â'r ysgol i drafod darpariaeth amgen neu ychwanegiadau/diwygiadau i'r cwricwlwm.

Beth fyddai'n cael ei chyfrif yn addysg dda?

Addysg dda yw un sydd:

- **yn eang:** dylai gyflwyno dysgwr i amrywiaeth eang o wybodaeth, dealltwriaeth a sgiliau
- **yn gytbwys:** dylid neilltuo digon o amser i bob rhan
- **yn berthnasol:** dylid defnyddio testunau er mwyn eu cymhwyso i brofiad y dysgwr ei hun, i fywyd fel oedolyn, a rhoi pwyslais dyladwy ar agweddau ymarferol
- **yn wahaniaethol:** mae angen i'r modd yr ydych yn addysgu eich plentyn gydfynd â galluoedd a thueddfryd y plentyn; dylai hefyd gynnwys digon o her fel bod plentyn yn gallu dangos bod peth cynnydd yn cael ei wneud.

Dylai addysg dda roi profiad i'ch plentyn yn y meysydd canlynol:

- addysg ieithyddol, fathemategol, wyddonol, dechnolegol, ddynol a chymdeithasol, gorfforol ac esthetig a chreadigol
- arweiniad gyrfaol priodol i ddysgwyr 11 oed a throsodd
- sgiliau mewn siarad a gwrando, llythrennedd, rhifedd a thechnoleg ddigidol

- paratoi dysgwyr yn briodol ar gyfer y cyfleoedd, y cyfrifoldebau a'r profiadau mewn bywyd fel oedolyn
- galluogi'r dysgwr i ddatblygu eu hunan-wybodaeth, eu hunan-fri a'u hunanhyder
- galluogi'r dysgwr i wahaniaethu rhwng yr hyn sy'n iawn ac yn anghywir.

Ydych chi wedi cyfleu cwyn i'r ysgol sydd heb gael ei datrys wrth eich bodd chi neu ydych chi'n anhapus gyda rhywbeth yn yr ysgol?

Os ydych yn ystyried Addysg Ddewisol yn y Cartref oherwydd anghytundeb gydag aelodau o staff neu lywodraethwyr yr ysgol neu oherwydd unrhyw bryder arall ynghylch ysgol, trafodwch y rhain gyda'r Pennaeth, cysylltwch â'r Adran Addysg neu'r Bartneriaeth Rhieni i gael help a chynghor.

Os nad yw hyn yn datrys y broblem dylech gyfleu cwyn ysgrifenedig i gadeirydd Bwrdd y Llywodraethwyr. Mae Bwrdd y Llywodraethwyr yn cwrdd yn rheolaidd i drafod llawer o faterion; byddant yn ymdrechu i roi ymateb boddhaol i'ch cwyn.

Rwyf wedi penderfynu bod arnaf eisiau addysgu fy mhlentyn gartref; beth ddylwn i ei wneud?

Mae Deddf Addysg 1996, Adran 7, yn datgan mai cyfrifoldeb y rhieni yw sicrhau bod eu plentyn yn cael addysg addas "naill ai trwy fynychu ysgol neu fel arall".

Mae angen i chi hysbysu'r pennaeth yn ysgrifenedig os yw eich plentyn yn ddisgybl cofrestredig, eich bod yn bwriadu addysgu eich plentyn gartref a'ch bod yn dymuno bod ei (h)enw'n cael ei dynnu oddi ar gofrestr yr ysgol. Bydd yr ysgol yn anfon copi o'ch llythyr neu eich neges e-bost ymlaen at yr ALI (Awdurdod Lleol).

Bydd yr ALI yn cynnig cyngor trwy'r Gwasanaeth Partneriaeth Rhieni ac, ar wahân, byddant yn anfon llythyr atoch yn cydnabod eich penderfyniad ac yn eich hysbysu y bydd Ymgynghorydd Addysg Ddewisol yn y Cartref yn cysylltu â chi i gynnig ymweliad neu gyfarfod i drafod darpariaeth a chynnig unrhyw gyngor/gwybodaeth. Gwahoddir y plentyn i fod yn bresennol os yw'r rhiant yn dymuno i'r plentyn fod yno. Nid oes gorfodaeth arnoch i dderbyn y cynnig hwn o gwbl, ond fe hoffem annog rhieni / gofalwyr i wneud hynny, i alluogi'r ALI i weithio mewn partneriaeth tuag at fuddiannau addysgol gorau'r plentyn.

Gall hyn helpu i roi gwybodaeth neu gymorth i chi a byddai'n galluogi'r Awdurdod i gyflawni ei ddyletswydd. Ar ôl cynnal unrhyw ymweliadau neu gyfarfodydd gyda chi byddai adroddiad yn cael ei lunio ac argymhellion yn cael eu gwneud os oes angen. Byddid yn cytuno ar unrhyw gysylltiadau/ ymweliadau/ cyfarfodydd gyda chi ar yr adeg hon.

Os yw eich plentyn yn aros ar gofrestr ysgol ond yn peidio â mynychu a bod llythyr heb ddod i law oddi wrthyh chi, bydd yr ysgol a Swyddog Lles Addysg yr ALI yn cymryd camau dilynol mewn perthynas â'r diffyg presenoldeb hwnnw.

Oes rhaid i mi fod yn athro cymwysedig/athrawes gymwysedig?

Nid oes angen i chi feddu ar unrhyw gymwysterau; yn syml mae arnoch angen amser ac awydd i helpu eich plentyn i ddysgu, ynghyd ag ymrwymiad a dyfeisgarwch. Nid oes angen i chi wneud yr holl waith 'addysgu' eich hun; gallwch gael cymorth gan ffrindiau a theulu neu gyflogi tiwtoriaid ond eich cyfrifoldeb chi yw sicrhau y darperir rhaglen waith effeithiol. Gallwch ddefnyddio ffrindiau addas neu dalu am addysgu arbenigol. Fodd bynnag, eich cyfrifoldeb chi yw sicrhau bod unrhyw diwtoriaid/athrawon yn addas i addysgu eich plentyn/plant. Fe'ch cynghorir i sicrhau bod ganddynt wiriad cyfredol gan y Gwasanaeth Datgelu a Gwahardd. Fe'ch cynghorir hefyd i aros adref pan fo tiwtor yn addysgu eich plentyn.

Dim ond i blant mewn ysgol y mae'r Cwricwlwm Cenedlaethol yn berthnasol. Mae rhai rhieni'n defnyddio'r Cwricwlwm Cenedlaethol fel arweiniad gan y gall ddarparu fframwaith defnyddiol ar gyfer lefelau cyflawniad ar draws y pynciau. Gall helpu hefyd os bydd eich plentyn yn dychwelyd i'r ysgol yn y dyfodol.

Fodd bynnag, nid oes pynciau gorfodol. Byddai'n ddoeth datblygu sgiliau llythrennedd a rhifedd gan y bydd y rhain yn galluogi eich plentyn i ddeall yr holl feysydd pwnc eraill yn well. Mae rhai teuluoedd yn dewis bod ag amserlen strwythuredig; fodd bynnag, mae Addysg Ddewisol yn y Cartref yn darparu ar gyfer hyblygrwydd a gall dysgu ddigwydd unrhyw bryd ac yn unrhyw le.

Ar hyn o bryd, mae pynciau'r Cwricwlwm Cenedlaethol yn cynnwys Saesneg, Mathemateg a Gwyddoniaeth fel pynciau craidd, gyda Thechnoleg, Hanes, Daearyddiaeth, Celf, Cerddoriaeth, Addysg Gorfforol, Cymraeg, Iaith Dramor Fodern (o 11 oed) ac Addysg Grefyddol (oni bai bod rhieni'n arfer eu hawl i dynnu plentyn yn ôl).

Mae llawer o'r gweithlyfrau a gynhyrchir yn fasnachol ac sydd ar gael o siopau llyfrau bellach yn gwneud eu cynnwys yn berthnasol i'r Cwricwlwm Cenedlaethol. Mae'r rhyngrwyd hefyd yn darparu cyfoeth o wybodaeth ac adnoddau i'ch cynorthwyo.

A allaf logi tiwtor preifat?

Eich penderfyniad chi yw sut i addysgu eich plentyn, gan gynnwys llogi tiwtor preifat. Fodd bynnag, nid oes sicrwydd y byddai tiwtor preifat yn weithiwr proffesiynol a hyfforddwyd ac a wiriwyd yn briodol. Tra'r oedd yn yr ysgol, byddai unrhyw oedolyn a oedd yn gweithio gyda'ch plentyn wedi cael gwiriad manylach y Gwasanaeth Datgelu a Gwahardd. Gwiriad gan yr heddlu yw hwn a gaiff ei gynnal ar unigolyn ac a fyddai wedi rhoi peth sicrwydd nad oedd yr oedolyn wedi cael ei adnabod fel rhywun a oedd yn achosi risg i blant.

Wrth logi tiwtor preifat, dylech ofyn am gael gweld eu gwiriad manylach cyfredol gan y Gwasanaeth Datgelu a Gwahardd. Efallai y bydd rhai tiwtoriaid yn dangos eu gwiriad cyfredol gan y Gwasanaeth Datgelu a Gwahardd i chi ond nid yw hyn yn ddigon. Lle mae rhywun wedi bod yn gweithio'n agos gyda phlant ac oedolion agored i niwed,

dylai fod ganddynt wiriad manylach y Gwasanaeth Datgelu a Gwahardd. Os yw tiwtor yn dangos eu gwiriad gan y Gwasanaeth Datgelu a Gwahardd i chi ond bod y tiwtor heb weithio am dri mis yna nid yw'n ddilys mwyach.

Fel rhiant/gofalwr ni fydd gennych unrhyw wybodaeth ychwanegol a allai fod wedi cael ei rhoi i ysgol pan gynhaliodd wiriad y Gwasanaeth Datgelu a Gwahardd i ddynodi pan un a fu rhai pryderon ynghylch unigolyn. Yn yr un modd, fel rhiant/gofalwr nid ydych yn gallu cynnal gwiriad y Gwasanaeth Datgelu a Gwahardd. Dim ond am wybodaeth hyd at yr amser y cynhaliwyd y gwiriad y gall gwiriadau'r Gwasanaeth Datgelu a Gwahardd eich hysbysu. Nid yw'n dweud wrthyh am unrhyw beth y gallai'r unigolyn fod wedi'i wneud ar ôl cynnal y gwiriad. Felly, mae'n eithriadol o bwysig eich bod wastad yn cyfweld ag unrhyw ymgeisydd posibl, ac yn gofyn am gael gweld eu crynodeb gyrrfa. Dylech wastad ofyn am eirdaon proffesiynol gan rywun sy'n adnabod y tiwtor yn awr a gwirio'r rhain. Os yw'r tiwtor yn cael ei gyflogi mewn ysgol ar hyn o bryd, neu wedi cael ei gyflogi mewn ysgol yn ddiweddar, gofynnwch am eirda gan y Pennaeth, ac os yw'n athro cymwysedig/athrawes gymwysedig, gofynnwch am gael gweld copi o ardystiad y tiwtor gyda Chyngor y Gweithlu Addysg. Ni ddylai gwersi gyda thiwtor preifat byth ddigwydd ar sail un-i-un heb i ail oedolyn fod yn bresennol gan y gallai hyn beri risg i'r gweithiwr proffesiynol a'r plentyn. Er ei bod yn well darparu gwersi preifat mewn ystafell sy'n addas ar gyfer astudio, nid yw ystafell wely byth yn briodol. Hefyd, mae'n hanfodol eich bod chi (neu oedolyn arall dibynadwy) yn aros ar y safle. Dylid gwrthod unrhyw drefniant hebryngwr a gynigir gan y tiwtor. Mae'n bwysig bod gennych chi fynediad at yr ardal addysgu a'ch bod yn gallu arsylwi ar weithgarwch a chlywed gweithgarwch pryd bynnag y dymunwch. Dylai drysau rhyngoch gael eu cadw ar agor, hyd yn oed os bydd hynny'n cyfyngu ar eich gweithgareddau chi eich hun. Ni ddylai unrhyw diwtor sy'n ymwybodol o'r disgwyliadau cyfredol ar gyfer staff proffesiynol wrthwynebu'r ceisiadau hyn o gwbl.

A fydd fy mhlentyn yn gallu sefyll arholiadau?

Bydd.

Fodd bynnag, bydd rhaid i rieni/gofalwyr roi eu plant i mewn ar gyfer arholiadau a chwrdd â chostau'r arholiadau hynny eu hunain. Os gallwch, dylech gynllunio TGAU ymhell ymlaen llaw. Mae nifer o wahanol fyrddau arholi sy'n cynnig cymwysterau TGAU â gwahanol feysydd llafur. Mae'n allweddol bwysig, cyn dechrau cwrs TGAU penodol, eich bod yn adnabod canolfan megis ysgol, Uned Cyfeirio Disgyblion neu goleg a fydd yn derbyn cofrestriad eich plentyn ar gyfer arholiadau. Gallai fod o gymorth ystyried y canlynol:

- Os oes gennych berthynas sydd eisoes yn bodoli ac sy'n un gadarnhaol ag ysgol neu goleg efallai y byddwch yn dymuno holi a allai eich plentyn gael ei gofrestru yno ar gyfer arholiadau a fyddai'r ysgol neu'r coleg yn barod i asesu unrhyw waith cwrs.
- Os nad oes gennych unrhyw berthynas na chyswllt ag ysgol na choleg bydd angen i chi gysylltu â bwrdd arholi, a fydd o bosibl yn gallu trefnu canolfan leol

ar eich rhan. Os byddwch yn gwneud hyn dylech hefyd sicrhau bod y bwrdd yn gallu trefnu i unrhyw waith cwrs gael ei asesu hefyd.

Yn y mwyafrif o achosion, os oes ar berson ifanc eisiau gwneud cymhwyster TGAU sy'n gofyn sefyll arholiad, rhaid sefyll yr arholiad mewn canolfan arholi gymeradwy, fel arfer ysgol uwchradd neu goleg addysg bellach. Fel rhywun sy'n addysgu gartref, bydd rhaid i chi gysylltu â'r darparwr yn uniongyrchol i ganfod yr union ffordd y maent yn ymdrin ag ymgeiswyr preifat. Bydd rhaid i chi dalu am unrhyw ffi cofrestru ar gyfer arholiadau ac am asesu unrhyw waith cwrs gan rywun sydd wedi'i achredu. Efallai y bydd rhaid i chi dalu ffioedd ychwanegol os bydd y cofrestriad yn hwyr.

Nid oes rhaid i chi fod yn 16 i sefyll eich arholiadau TGAU gan y gall pobl ifanc o unrhyw oedran sefyll y rhain. Gall cost sefyll arholiad TGAU neu Safon Uwch amrywio hefyd. Bydd angen i chi drafod hyn gyda'ch darparwr.

Mae'r wefan **Education Otherwise** yn darparu gwybodaeth ddefnyddiol am sefyll arholiadau hefyd.

http://www.educationotherwise.net/index.php?option=com_weblinks&view=category&id=47%3Alearning-and-exams&Itemid=71

Ar gyfer rhagor o wybodaeth a chymorth mewn perthynas â sefyll arholiadau mae'r wefan ganlynol yn darparu gwybodaeth ddefnyddiol hefyd: www.home-education-exams.org.uk

A oes gan eich plentyn Anghenion Addysgol Arbennig?

Mae hawl rhieni i addysgu eu plentyn gartref yr un mor berthnasol lle mae gan y plentyn hwnnw anghenion addysgol arbennig (AAA).

Lle mae gan blentyn ddatganiad o AAA a'i fod yn cael ei addysgu gartref gan y rhieni nid yw'r datganiad yn dod i ben yn awtomatig. Tra bo'r datganiad yn cael ei gynnal rhaid ei adolygu'n flynyddol, gan ddilyn y gweithdrefnau a nodir ym Mhennod 9 yng Nghod Ymarfer AAA Cymru. O dan lawer o amgylchiadau bydd AAA y plentyn a nodir yn y datganiad wedi bod yn gysylltiedig â lleoliad yr ysgol ac efallai y bydd anghenion y plentyn yn gallu cael eu diwallu'n rhwydd yn y cartref gan y rhieni heb oruchwyliaeth yr ALI. Efallai y bydd yn briodol, unwaith y cadarnheir bod anghenion arbennig plentyn yn cael eu diwallu heb unrhyw gymorth ychwanegol gan yr ALI, bod ystyriaeth yn cael ei rhoi i ddirwyn y datganiad i ben, os yw'r rhieni'n cytuno. Gellir gwneud hyn yn yr adolygiad blynyddol neu ar unrhyw adeg arall.

Os yw trefniadau'r rhieni'n addas, yna caiff yr ALI ei ryddhau o'i ddyletswydd i drefnu'r ddarpariaeth a nodir yn y datganiad. Fodd bynnag, os yw trefniadau'r rhieni'n methu â diwallu anghenion y plentyn, yna nid yw'r rhieni'n gwneud trefniadau addas ac ni chaiff yr ALI ei ryddhau o'i gyfrifoldeb i drefnu'r ddarpariaeth yn y datganiad. Mewn rhai achosion efallai mai cyfuniad o ddarpariaeth gan rieni a'r ALI fyddai'n diwallu anghenion y plentyn orau.

Nid yw Adran 324(4A) Deddf Addysg 1996 yn ei gwneud yn ofynnol darparu enw'r ysgol yn Rhan 4 y datganiad, os yw rhiant y plentyn wedi gwneud trefniadau addas ar gyfer y ddarpariaeth addysgol benodol a nodir yn y datganiad. Dylai fod trafodaeth rhwng yr ALI a'r rhieni ac, yn hytrach nag enw'r ysgol, dylai Rhan 4 y datganiad grybwyll y math o ysgol sy'n briodol ym marn yr ALI, ond mynd ymlaen i ddweud 'mae'r rhieni wedi gwneud eu trefniadau eu hunain dan adran 7 Deddf Addysg 1996'. Gall y datganiad hefyd nodi unrhyw ddarpariaeth y mae'r ALI wedi cytuno ei gwneud dan adran 319 y Ddeddf honno i helpu'r rhieni i ddarparu addysg addas ar gyfer eu plentyn gartref.

Beth ddylwn i ei wneud os oes gan fy mhlentyn Ddatganiad o Anghenion Addysgol Arbennig (AAA)?

Mae'r un weithdrefn yn berthnasol os oes gan eich plentyn Ddatganiad o AAA a'i fod yn mynd i ysgol brif ffrwd. Fodd bynnag, os yw eich plentyn yn mynd i ysgol arbennig, bydd angen i chi gael caniatâd gan yr Awdurdod Lleol cyn ei dynnu o'r ysgol. Yn y naill achos neu'r llall, rhaid i'r addysg a ddarperir gennych gyrraedd nodau'r Datganiad o AAA.

Os byddwch chi'n ei chael yn anodd cyfleu eich safbwyntiau mewn cyfarfodydd gallwch ofyn am gyngor a chymorth gan y Bartneriaeth Rhieni. I gael rhagor o wybodaeth gweler y tudalennau am Addysg Ddewisol yn y Cartref ar wefan y GPRh yn: <https://www.pembrokeshire.gov.uk/specialist-services-and-provision/elective-home-education>
Neu ffoniwch y Bartneriaeth Rhieni ar: 01437 776354
E-bost pps@pembrokeshire.gov.uk.

A oes rhaid i mi weithio oriau ysgol?

Nid yw llawn-amser yn golygu gweithio oriau ysgol o anghenraid er y bydd rhai rhieni o bosibl yn dymuno darparu addysg mewn modd mwy ffurfiol a strwythuredig. Efallai y bydd rhieni eraill yn penderfynu gwneud darpariaeth fwy anffurfiol sy'n ymateb i anghenion eu plentyn/plant. Gall yr Ymgynghorydd Addysg Ddewisol yn y Cartref gynnig peth cyngor cyffredinol ac awgrymiadau ynghylch adnoddau, dulliau a deunyddiau os oes angen.

Sut ddylwn i drefnu'r dysgu a'r addysgu?

Nid oes un dull neu arddull y gellir ei awgrymu ond gall fod yn rhesymol cynnwys:

- Datblygu sgiliau rhifedd a llythrennedd sy'n addas i oedran a gallu eich plentyn
- Cyfleoedd i'ch plentyn gael ei symbylu gan ei brofiadau dysgu
- Sbectrwm eang o weithgareddau i ddarparu ar gyfer amrywiaethau eang o ddiddordebau
- Mynediad at adnoddau a deunyddiau
- Y cyfle i ryngweithio â phlant ac oedolion eraill.
- Cyfleoedd a mynediad at TG.

A all yr Awdurdod Lleol / ysgol fy helpu i addysgu gartref?

Nid yw'r awdurdod lleol / ysgol yn darparu unrhyw gyllid unigol unwaith y mae plentyn wedi cael ei ddatgofrestru o ysgol. Mae gan yr Awdurdod Lleol rôl i gymryd rhai camau gweithredu os bydd yn ymddangos nad yw plentyn yn cael ei addysgu'n briodol. Mae'r ALI yn cadw cronfa ddata o blant sy'n cael addysg yn y cartref a bydd Ymgynghorydd Addysg Ddewisol yn y Cartref yn cynnig ymweliadau i roi cyngor/cymorth mewn perthynas â darpariaeth addysgol ar y dechrau ac eto yn y dyfodol os byddwch yn parhau i addysgu gartref.

Mae'r Awdurdod Lleol yn ceisio gweithio'n gydweithredol gyda rhieni i ddatblygu dealltwriaeth ac ymddiriedaeth ar y ddwy ochr a fydd yn diogelu deilliannau addysgol plant.

Fe hoffai'r Ymgynghorydd Addysg Ddewisol yn y cartref ymweld/cwrdd â chi'n flynyddol a bydd wastad yn darparu adroddiad, a fydd yn cael ei anfon atoch yn dilyn ei ymweliad. Mae'n well gan rai rhieni ysgrifennu adroddiad neu ddarparu samplau o waith. Os byddwch chi neu'r Ymgynghorydd yn teimlo bod unrhyw feysydd o fewn y ddarpariaeth addysgol y mae angen rhoi sylw iddynt, bydd yn trafod hyn gyda chi a gall gynnig cyngor ac awgrymiadau. Byddai'n cynnig ail ymweliad gyda golwg ar helpu i wella darpariaeth eich plentyn.

Ceir sefydliadau a grwpiau cymorth eraill a all gynnig cynhorthwy a darperir rhestr o gysylltiadau defnyddiol yn Atodiad 3.

A allaf newid fy meddwl?

Gallwch.

Gallwch geisio lle mewn ysgol unrhyw bryd a hysbysu'r Adran Derbyn i Ysgolion yn yr Awdurdod Lleol ynghylch eich bwriad i gofrestru eich plentyn mewn ysgol. Mae'r broses dderbyn bellach ar-lein yn: <https://www.pembrokeshire.gov.uk/school-admissions>

Bydd Gweithdrefnau Derbyn arferol yr Awdurdod Lleol yn berthnasol. Mae'r rhain i'w cael yn y ddogfen Gwybodaeth am Ysgolion a gyhoeddir yn flynyddol gan y Cyngor Sir.

Beth fydd yn digwydd os bydd gan yr ALI bryderon ynghylch y ddarpariaeth?

Bydd pob ymdrech yn cael ei gwneud i ddatrys materion o ran y ddarpariaeth trwy drafod cyn cychwyn unrhyw gamau ffurfiol. Os ceir amheuan a yw'r ddarpariaeth yn ddigonol gall yr Awdurdod Lleol ddewis ymchwilio ymhellach. Os yw trafodaeth yn methu byddwch yn cael llythyr a fydd yn amlinellu'r pryderon a'r rhesymau dros ddod i'r casgliad bod y ddarpariaeth yn anaddas. Efallai y bydd angen i'r Awdurdod Lleol gyflwyno Gorchymyn Mynychu'r Ysgol i chi, sy'n rhoi 15 diwrnod i chi ddarparu tystiolaeth o addysg addas ar gyfer yr Awdurdod. Os codir pryderon ar unrhyw adeg ynghylch diogelwch neu les eich plentyn/plant, gellir ystyried atgyfeiriad hefyd yn unol â Gweithdrefnau Amddiffyn Plant Cymru Gyfan.

Y BROSES

Bydd yr Awdurdod yn ceisio cydweithio gyda chi i sicrhau bod y cyfathrebu'n adeiladol a'i fod yn rhoi anogaeth ar gyfer perthynas o ymddiriedaeth. Unwaith yr ydych wedi dynodi bod gennych ddiddordeb mewn darparu addysg ddewisol yn y cartref ar gyfer eich plentyn/plant, bydd y Pennaeth neu'r Swyddog Lles Addysg yn darparu'r canllawiau hyn ar eich cyfer sy'n nodi'r cyfrifoldebau a ddaw yn sgîl dewis Addysg Ddewisol yn y Cartref ar gyfer eich plentyn/plant. Efallai y cewch eich cynghori i gadw'r plentyn/plant yn yr ysgol tra'u bod yn gwneud penderfyniad i addysgu gartref.

Gofynnir i chi hysbysu'r Pennaeth yn ysgrifenedig. Bydd y Pennaeth yn hysbysu'r rheolwr Addysg Ddewisol yn y Cartref yn yr Awdurdod Lleol ac yn darparu copi o'ch llythyr neu e-bost. Os na fyddwch yn rhoi hyn yn ysgrifenedig bydd eich plentyn yn aros ar gofrestr yr ysgol ac efallai y gallech gael eich erlyn am nad yw eich plentyn yn mynychu'r ysgol. Ar ôl cael eich hysbysiad ysgrifenedig gan yr ysgol, bydd yr Awdurdod Lleol yn anfon llythyr o gydnabyddiaeth atoch. Bydd y Bartneriaeth Rhieni hefyd yn ceisio cysylltu i drafod y broses a'ch penderfyniad gyda chi. Mae'r ALI yn cadw cronfa ddata o blant a addysgir yn y cartref, a all gael ei gwirio gan staff yr ALI sy'n cynnal cyrch triwantiaid. Y rheswm dros hyn yw er mwyn sicrhau na chymerir unrhyw gamau gweithredu pellach mewn perthynas â'r plant hynny sy'n cael addysg ddewisol yn y cartref a allai fod wedi cael eu cynnwys yn y cyrch.

Bydd yr Athrawes Ymgynghorol ar gyfer Addysg Ddewisol yn y Cartref yn cysylltu â chi i gynnig ymweliad neu gyfarfod yn ystod y 3 mis cyntaf ar ôl y llythyr o gydnabyddiaeth. Nid oes gorfodaeth arnoch i dderbyn y cyfarfod hwn o gwbl, ond byddai'r Awdurdod Lleol yn eich annog i wneud, gan ein bod yn dymuno gweithio mewn partneriaeth gyda chi i gyflawni'r deilliannau addysgol gorau posibl ar gyfer eich plentyn/plant. Bydd yr ymgynghorydd addysg ddewisol yn y cartref yn trafod eich darpariaeth addysgol gyfredol ac yn cynnig cymorth a chynghor os oes angen mewn perthynas ag adnoddau, gwybodaeth a.y.b. Gallwch gysylltu â'r ymgynghorydd addysg ddewisol yn y cartref os oes arnoch angen cynghor/ arweiniad cyffredinol neu wybodaeth rhwng ymweliadau.

Os nad oes unrhyw bryderon ynghylch y ddarpariaeth addysgol, byddwch yn cael eich hysbysu'n ysgrifenedig a bydd copi o unrhyw adroddiad wedi'i atodi. Bydd yr ymgynghorydd addysg ddewisol yn y cartref yn cytuno ar gyswllt yn y dyfodol gyda chi fel y bo'n briodol ac efallai y bydd cydweithiwr yn dod gyda hwy weithiau os yw'n ofynnol. Bydd pob ymdrech yn cael ei gwneud i ddatrys materion ynglŷn â'r ddarpariaeth os ceir amheuan a yw'r ddarpariaeth yn ddigonol cyn cychwyn unrhyw gamau ffurfiol. Os yw'n ymddangos nad ydych yn cyflawni eich dyletswydd gyfreithiol, gall yr Awdurdod Lleol ystyried nad yw eich plentyn yn cael addysg briodol a cheisio Gorchymyn Mynychu'r Ysgol dan Adran 437 Deddf Addysg 1996.

Os yw eich plentyn o oedran ysgol gorfodol ac wedi'i gofrestru mewn ysgol arbennig, rhaid i'r ysgol hysbysu'r Awdurdod Lleol cyn y gellir dileu enw eich plentyn o gofrestr yr ysgol. Os oes gan blentyn Ddatganiad o Anghenion Addysgol Arbennig mae dyletswydd ar yr Awdurdod o hyd i gynnal y datganiad a'i adolygu'n flynyddol, gan ddilyn y gweithdrefnau ym Mhennod 9 Cod Ymarfer AAA Cymru.

Os byddwch yn dewis darparu rhan neu'r cyfan o addysg y plentyn trwy gael mynediad at gyrsiau mewn coleg addysg bellach, byddai'r ymgynghorydd addysg ddewisol yn y cartref yn dymuno cynnal cysylltiadau â chi a'r coleg tra bo'r plentyn o oedran ysgol statudol.

Mae dyletswydd ar awdurdodau lleol dan adran 175(1) Deddf Addysg 2002 i ddiogelu a hybu lles plant. Atgyfnerthir hyn ymhellach gan Adran 11 Deddf Plant 2004 sy'n gosod dyletswydd ar bobl a chyrff allweddol i wneud trefniadau i sicrhau, wrth gyflawni eu swyddogaethau, eu bod yn rhoi ystyriaeth i'r angen i ddiogelu a hybu lles plant. Fel gyda phlant a addysgir mewn ysgol, gall materion diogelu neu amddiffyn plant godi mewn perthynas â phlant a addysgir yn y cartref. Os daw unrhyw bryderon diogelu neu amddiffyn plant i'w amlwg wrth ymgysylltu â phlant a theuluoedd, bydd y pryderon hyn yn cael eu hatgyfeirio at y gwasanaethau priodol gan ddefnyddio protocolau atgyfeirio lleol sefydledig.

Atodiad 1

Dewis Addysg yn y Cartref Ffurflen Dadgofrestru o'r Ysgol



Enw'r disgybl:	Dyddiad Geni:	Rhyw:	Grŵp blwyddyn:	RhUD:	Presenoldeb:
					Gwaharddiadau:
Enwau'r rhieni	Cyfeiriad:	Rhif Ffôn: (llinell tir) (Symudol)			
		E-bost:			
Hunaniaeth Genedlaethol	Iaith gyntaf	Dyddiad dechrau yn yr ysgol:	Cymwys am brydau ysgol am ddim	Plant sy'n derbyn gofal	MAT
Pryderon Lles / Diogelu? O ☐ N ☐ Os oes, yw'r pryderon hyn wedi cael eu trafod/eu cyfeirio at y Tîm Asesu Gofal Plant? D ☐ N ☐				Nodweddion gwarchodedig? O ☐ N ☐ Os oes, beth?	

Anghenion Dysgu Ychwanegol			Manylion Anghenion Dysgu Ychwanegol		
Gweithredu gan yr Ysgol	Gweithredu gan yr Ysgol a mwy	Datganiad			
A yw'r disgybl yn hysbys i'r canlynol: Partneriaeth Rhieni Y ☐ N ☐ Allgymorth Ieuencid Y ☐ N ☐ Cynghorwr yr ysgol Y ☐ N ☐ PSO/ Swyddog Lles Addysg Y ☐ N ☐ Y Tîm Llesiant ac Emosiynol Y ☐ N ☐ Tîm o Amgylch y Teulu Y ☐ N ☐ Seicolegydd Addysg Y ☐ N ☐ Nyrs yr Ysgol Y ☐ N ☐			Yw'r disgybl wedi cael ei drafod gan: TAPPAS D ☐ N ☐ SASP D ☐ N ☐ ARALL D ☐ N ☐ os arall, pwyr? Asesiad Risg Canlyniadau NVR Canlyniadau Profion Cynorthwydd Addysgu		

Athro ymgynghorol	Y ☐	N ☐
Rheswm dros dynnu'r plentyn yn ôl (gan gynnwys beth sydd wedi cael ei wneud i ddatrys problemau/cyfarfodydd etc.)		

Llythyr enghreifftiol

Annwyl Riant neu Warcheidwad

Person sydd wedi cwblhau'r ffurflen:

Swydd:

Dyddiad:

PARTHED: ADDYSG YN Y CARTREF GAN Y RHIENI

Rwy'n ysgrifennu mewn ymateb i'ch llythyr/cyfathrebiad, yn ein hysbysu eich bod yn bwriadu addysgu **ENW'R PLENTYN**.

Mae gan rieni hawl i addysgu eu plant gartref ar yr amod eu bod yn ateb y gofynion dan Adran 7 Deddf Addysg 1996. Mae hyn yn gosod dyletswydd arnoch chi fel rhiant i sicrhau bod **ENW'R PLENTYN** yn cael addysg lawn-amser sy'n addas i'w (h)oedran, gallu a thueddfryd.

Fel awdurdod addysg lleol ein nod yw darparu gwasanaeth sy'n ein galluogi i weithio gyda chi gan sicrhau buddiannau addysgol pennaf **ENW'R PLENTYN**. Yng ngoleuni hyn, bydd ein hymgyngorydd Addysg Ddewisol yn y Cartref, XXXX, yn cysylltu â chi i gynnig dyddiad/amser iddi ymweld â chi ac **ENW'R PLENTYN** i drafod ymhellach.

Rwyf hefyd yn amgáu gwybodaeth am rai o'r cysylltiadau a gweithgareddau grŵp lleol y byddwch o bosibl am gael mynediad atynt. Os oes gan **ENW'R PLENTYN** angen dysgu ychwanegol, ceir ystod o wasanaethau sydd hefyd ar gael. Mae'r daflen wybodaeth sydd wedi'i hatodi'n dweud wrthyich ble i fynd i gael cymorth. Os hoffech siarad gyda rhywun am y gwasanaethau hyn, cysylltwch â Llinell Gymorth ein Partneriaeth Rhieni 01437 776354. Gallwch hefyd fynd at ein gwefan: www.parentpartnershipservices@pembrokeshire.gov.uk.

Edrychwn ymlaen at weithio gyda chi i sicrhau'r deilliannau addysgol gorau ar gyfer **ENW'R PLENTYN**.

Yn gywir,

Atodiad 3

Meysydd Cymorth a Gwefannau Defnyddiol

Anghenion Dysgu Ychwanegol (ADY)

Mae'r Gwasanaeth Cymorth Cynhwysiant yn cynnig ystod o weithdai i rieni a digwyddiadau ymgysylltu â rhieni ar sail dymhorol. Caiff gwybodaeth am y rhain ei rhannu'n eang ar dudalennau'r cyfryngau cymdeithasol ac ar y wefan – dolenni isod. Yn ogystal â hyn gallwch gael rhagor o wybodaeth trwy eich ymgynghorydd addysg ddewisol yn y cartref neu drwy gysylltu â'r Gwasanaeth Partneriaeth Rhieni ar 01437 776354

<https://www.facebook.com/PCCInclusionService>

<https://pembsinclusionservice.wales/>

Hefyd, mae'r gwefannau gwybodaeth canlynol ar gael:

Dyslecsia

Mae Dyslecsia Cymru'n cynnig cyngor a chymorth i unigolion preifat, mudiadau'r trydydd sector, cyrff cyhoeddus a busnesau preifat. Mae eu gwasanaethau'n cynnwys:

- llinell gymorth sydd ar gael i unigolion yng Nghymru yr effeithiwyd arnynt gan ddyslecsia.
- Sgrinio am ddyslecsia a thiwtora i bob grŵp oedran, gan gynnwys plant o oedran cynradd ac uwchradd ac oedolion.
- Gellir trefnu tiwtora hefyd. Rydym yn defnyddio sgrinwyr a thiwtoriaid cymwysedig sy'n aelodau o Gymdeithas Dyslecsia Prydain

Gwefan: <http://www.walesdyslexia.org.uk>

Llinell gymorth rhadffôn: 0808 1800 110

Awtistiaeth

Elusen yn y DU sy'n cynnig cymorth i bobl ag awtistiaeth (gan gynnwys syndrom Asperger) a'u teuluoedd yw Cymdeithas Genedlaethol Awtistiaeth Cymru. Mae gwefan NAS Cymru yn cynnwys popeth o wefan y DU am awtistiaeth ac yn darparu gwybodaeth am wasanaethau a gweithgareddau yng Nghymru.

Ffôn: (0)2920 629 312

E-bost: wales@nas.org.uk

Gwefan: http://www.autism.org.uk/?nation=wales&sc_lang=en-GB

CYMORTH A GWASANAETHAU YCHWANEGOL

Er eich bod wedi dewis addysgu gartref byddwch yn dal i allu cael mynediad at ystod o weithgareddau a gwasanaethau i gefnogi a gwella'r profiad addysgol yr ydych yn ei ddarparu. Mae'r tudalennau canlynol yn darparu trosolwg byr o wasanaethau sydd ar gael yn lleol.

Ceir rhagor o wybodaeth ar wefan Gwasanaeth Gwybodaeth i Deuluoedd Sir Benfro

http://www.pembrokeshire.gov.uk/content.asp?nav=647,1424&parent_directory_id=646



Y GWASANAETH GWYBODAETH I DEULUOEDD

Yn ogystal â gwybodaeth o ansawdd da i blant, pobl ifanc, rhieni, teidiau a neiniau, gofalwyr a gweithwyr proffesiynol ledled Sir Benfro, gallwn hefyd ddweud wrthyh am wasanaethau sy'n rhoi cymorth i rieni a gofalwyr plant a phobl ifanc 0 – 19 oed i'w helpu yn eu rôl rianta.

Mae amrywiaeth eang o wybodaeth ar gael am wasanaethau i blant a phobl ifanc 0-20 oed. Mae hyn yn cynnwys gwybodaeth am ofal plant, gwasanaethau cymorth i deuluoedd, gweithgareddau plant a phobl ifanc, addysg a hyfforddiant a llawer, llawer mwy. Cofiwch ein bod yn wasanaeth rhad-ac-am-ddim!

Dros y ffôn, trwy'r e-bost, trwy ysgrifennu atom neu drwy ymweld â ni;
Cross Park,
Doc Penfro SA72 6SW

Llinell Wybodaeth: 01437 775700

E-bost: fis@pembrokeshire.gov.uk

Ar agor: O ddydd Llun i ddydd Gwener 9:00am - 5:00pm

(Mae cyfleuster peiriant ateb 24 awr ar gael hefyd) .

GWASANAETH LLYFRGELLOEDD

Mae Llyfrgelloedd Sir Benfro'n darparu gwasanaethau benthyca llyfrau a gallant fod yn adnodd defnyddiol ar gyfer rhieni sy'n darparu addysg ddewisol yn y cartref. Gallwch hefyd gael benthyg DVDs, gwybodaeth hanesyddol a cheir mynediad am ddim at y rhyngwyd ym mhob llyfrgell am hyd at un awr y dydd. Mae aelodaeth o'r llyfrgell yn rhad ac am ddim ond bydd angen i rieni gofrestru ar gyfer plant dan 18. mae gan rai llyfrgelloedd sesiynau amser stori i blant llai. Yn eich llyfrgell leol gallwch wneud y canlynol:

- Syrffio'r we
- Anfon a derbyn e-bost
- Defnyddio pecynnau meddalwedd Office (Word, Excel, Powerpoint)
- Sganio lluniau, delweddau a thestun
- Defnyddio meddalwedd arbennig ar gyfer pobl â nam ar eu golwg
- Gweld adnoddau ar-lein gan gynnwys e-lyfrau/cylchgronau/cyfeirlyfrau a.y.b.

I gael rhagor o wybodaeth am wasanaethau eich llyfrgell leol ewch at:

Y wefan: <http://www.pembrokeshire.gov.uk/content.asp?nav=107,108>



IEUENCTID SIR BENFRO

Mae Ieuenctid Sir Benfro'n darparu profiadau, cyfleoedd, gwybodaeth, cyngor a chymorth personol ar gyfer yr holl bobl ifanc 11-25 oed.

Darperir rhaglenni gan weithwyr ieuenctid llawn-amser a rhan-amser o ganolfannau ieuenctid pwrpasol ac mewn lleoliadau cymunedol ledled y sir, megis Canolfannau Dysgu Cymunedol, ysgolion a neuaddau cymunedol/pentref. Mae gan ganolfannau ieuenctid ystod o raglenni a gweithgareddau ac offer gan gynnwys ystafelloedd cyfrifiaduron tra modern a elwir yn labordai digidol.

Mae cynllun Gwobr Dug Caeredin ar gael i'r holl bobl ifanc 14-24 oed. Gellir dilyn y rhaglen ar dair lefel. Unwaith y maent wedi'u cwblhau'n llwyddiannus maent yn arwain at Wobr Efydd, Arian neu Aur. Y bobl ifanc sy'n dewis pa lwybr yr hoffent ei ddilyn. Gallwch wneud Gwobr Dug Caeredin trwy'r Gwasanaeth Ieuenctid, Sgowntiaid, Geidiau a.y.b. I gael rhagor o wybodaeth ewch at wefan Gwobr Dug Caeredin - <http://www.dofe.org>. Mae gan y Gwasanaeth Ieuenctid aelod o staff wedi'i neilltuo i Wobr Dug Caeredin. I gael rhagor o wybodaeth cysylltwch â'r Gwasanaeth Ieuenctid.

Darperir y Gwasanaeth Gwybodaeth Ieuenctid gan weithwyr gwybodaeth ieuenctid arbenigol trwy'r parth ieuenctid symudol, gwefan a phapur newydd.

Mae ein Parth Ieuenctid Symudol yn cynnal ymweliadau rheolaidd ag ysgolion, canolfannau ieuenctid, lleoliadau gwledig a safleoedd a digwyddiadau cymunedol eraill lle mae pobl ifanc yn bresennol. Mae'r ganolfan symudol yn darparu amgylchedd sy'n gweddu i bobl ifanc er mwyn i bobl ifanc gwrdd, trafod, cael gwybodaeth, cyngor neu, yn syml, cael hwyl.



Ewch at ein gwefan bwrpasol ar gyfer pobl ifanc yn Sir Benfro yn:- www.pembrokeshireyouthzone.co.uk



CHWARAEON SIR BENFRO

Mae Chwaraeon Sir Benfro'n cyflogi Swyddog 'Pobl Ifanc Heini' (AYP) ym mhob ysgol uwchradd yn Sir Benfro a chyfrifoldeb y swyddogion hyn yw darparu rhaglen o chwaraeon allgyrsiol a gweithgarwch corfforol sy'n seiliedig ar ddewisiadau'r disgyblion.

Mae'r Swyddogion Pobl Ifanc Heini hefyd yn gweithio'n agos gyda'r ysgolion cynradd sy'n bwydo'r ysgol uwchradd i gynyddu nifer y gweithgareddau chwaraeon allgyrsiol sydd ar gael yn ogystal â gwella'r cysylltiadau rhwng ysgolion lleol a chlybiau chwaraeon cymunedol.

Mae croeso i ddisgyblion sy'n cael addysg yn y cartref fynychu sesiynau a gydlynir gan ein Tîm Pobl Ifanc Heini. Y cwbl y mae angen i rieni ei wneud yw cysylltu â'u Swyddog Lleol i gael gwybod mwy am y cyfleoedd sydd ar gael bob tymor

Ysgol Bro Gwaun a STP; Dan Bellis; Daniel.bellis@pembrokeshire.gov.uk 07920 702044

Ysgol Dewi Sant; Amanda John; Amanda.john@pembrokeshire.gov.uk 07920 723447

Ysgol Aberdaugleddau; Barry John; barry.john@pembrokeshire.gov.uk 07920 537198

Tasker Milward a Portfield ; Rominy Colville; Rominy.colville@pembrokeshire.gov.uk 07769 887884

Ysgol y Preseli; Elgan Vittle; Elgan.vittle@pembrokeshire.gov.uk 07920 537155
Greenhill a Phenfro; Wyndham Williams; Wyndham.williams@pembrokeshire.gov.uk 07920 700759

Defnyddir cardiau Adnoddau Aml-sgiliau a Champau'r Ddraig a 'Chwarae i Ddysgu' gan athrawon ysgolion cynradd wrth gyflwyno Addysg Gorfforol yn y Cyfnod Sylfaen a CA2 yn ogystal â chwaraeon allgyrsiol. Mae'r cardiau'n darparu llawer o syniadau ymarferol ar gyfer datblygiad corfforol. Mae staff addysgu ledled y sir wedi cael eu hyfforddi i ddefnyddio'r adnoddau hyn a bydd cyrsiau ychwanegol i staff newydd. Mae croeso i rieni sy'n addysgu gartref fynychu gweithdai yn y dyfodol.

CANOLFANNAU HAMDDEN

Mae Canolfannau Hamdden yn aml yn rhedeg cyrsiau i bobl ifanc fel crefft ymladd, dawnsio stryd, gymnasteg, achub bywydau, pêl-droed hwyl, a sesiynau heini ac egnïol iau. Sesiynau Chwarae a Chreu i blant iau a.y.b. Cysylltwch â'ch Canolfan hamdden leol i gael gwybod beth maent yn ei gynnig. I gael manylion eich canolfan hamdden leol dilynwch y ddolen isod:

http://www.pembrokeshire.gov.uk/content.asp?nav=107,2004,2023&parent_directory_id=646



NOFIO

'Nofio am ddim' i blant dan 16. Mae hyn yn rhoi'r hawl i blant nofio am ddim yn ystod gwyliau ysgol (gall amseroedd amrywio ym mhob pwll). Gwiriwch eich pwll nofio lleol am yr amseroedd.

Mae canolfannau hamdden wedi'u lleoli yng Nghrymmych, Abergwaun, Hwlfordd, Aberdaugleddau, Arberth, Penfro a Dinbych-y-pysgod.



Prosiect a ariennir gan y Gronfa Loteri FAWR sy'n darparu cyfleoedd chwarae mynediad agored rhad-ac-am-ddim ar gyfer plant a phobl ifanc rhwng pump a 15 oed yw **Prosiect Chwarae Llywybrau Porffor**. Cynhelir sesiynau yn Abergwaun, Wdig, Llandysilio, Maenclochog, Llandudoch, Pont Fadlen, Angle, Neyland, Pennar, Dinbych-y-pysgod a Chilgeti.

Mae croeso i bob plentyn a pherson ifanc. Cynhelir y sesiynau yn eu parciau a mannau agored. Maent yn rhydd i fynd a dod, gan nad cyfleuster gofal plant mohono. Gweler amserlenni'r sesiynau ar gyfer amseroedd diweddaraf y sesiynau.

I gael rhagor o wybodaeth

www.purpleroutes.co.uk

Ffôn; 01646 683919

TECHNOCAMPS

Mae Technocamps yn darparu gweithdai ar gyfer unrhyw grwpiau o bobl ifanc ledled Cymru ar raglennu, datblygu apiau, datblygu gemau, roboteg a llawer mwy. Arweinir y prosiect gan Brifysgol Abertawe, mewn partneriaeth gydag Aberystwyth, Bangor a Phrifysgol De Cymru, felly mae eu timau wedi gallu rhedeg gweithdai ledled y wlad o fewn yr ardaloedd cydgyfeirio yng Nghymru.

Mae'r adnoddau ar gael yn rhydd ar-lein gan roi'r cyfle i bobl ifanc barhau i ddysgu Cyfrifiadureg wrth eu pwysau eu hunain gartref ac yn yr ysgol. Bwriwch olwg ar y llyfryn ar eu gwefan, eu cyfrif Facebook neu eu cyfrif Twitter.

Cysylltwch â'ch tîm Technocamps lleol os bydd gennych unrhyw gwestiynau ar:

Cyfrifiadureg Technocamps

Coleg Gwyddoniaeth Prifysgol Abertawe

Parc Singleton

Abertawe

SA2 8PP

Ffôn: 01792 606890

E-bost: info@technocamps.com

Twitter: [@Technocamps](https://twitter.com/Technocamps)

Facebook: [Technocamps](https://www.facebook.com/Technocamps)

MEDRUSRWYDD BEICIO

Mae'r Cynllun Beicio Diogel hefyd yn hygyrch i blant sy'n cael addysg ddewisol yn y cartref. Mae hyfforddwyr yn cyflwyno hyfforddiant beicio'r Safonau Cenedlaethol sy'n cynnwys dysgu am Reolau'r Ffordd Fawr i ddefnyddwyr ifainc y ffyrdd; dysgu am gynnal a chadw beiciau, bod yn amlwg a gwisgo helmed. Fel arfer darperir hyfforddiant diogelwch beicio a diogelwch ar y ffyrdd mewn ysgolion gyda grwpiau blwyddyn penodol ond os oes gennych grŵp o blant y mae arnynt eisiau cymryd rhan gellir trefnu grŵp pwrpasol trwy Adran Diogelwch ar y Ffyrdd yr Awdurdod Lleol.

Gwobrau'r Safonau Cenedlaethol Lefelau 1, 2 a 3 (Wedi'u hachredu):

- Lefel 1 : Hyfforddiant y Safonau Cenedlaethol, mae'r hyfforddeion yn dysgu rheoli a meistroli eu beiciau. Cynhelir yr hyfforddiant mewn amgylchedd heb geir na thraffig – fel arfer mewn maes chwarae.
- Lefel 2 : Cynhelir hyfforddiant y Safonau Cenedlaethol ar y ffordd, gan roi profiad beicio gwirioneddol i hyfforddeion fel eu bod yn gallu dygymod â thraffig ar siwrneiau byrion.
- Lefel 3 : Darperir hyfforddiant y Safonau Cenedlaethol ar gyfer pobl ifanc o oedran ysgol uwchradd ac ar gyfer oedolion (y naill a'r llall ar gais). Bydd hyfforddeion yn dysgu'r sgiliau i ddygymod ag amrywiaeth ehangach o amodau traffig nag ar Lefel 2. Pan fo hyfforddeion yn cyrraedd safon Lefel 3 byddant yn gallu dygymod â phob math o amodau ar y ffyrdd a sefyllfaoedd traffig sy'n fwy o her.

Os hoffech drefnu i grŵp gymryd rhan yng Ngwobrau'r Safonau Cenedlaethol Lefelau 1, 2 neu 3 (Wedi'u Hachredu) cysylltwch â'r Tîm Diogelwch ar y Ffyrdd ar 01437 775144 neu road.safety@pembrokeshire.gov.uk



GYRFA CYMRU GORLLEWIN

Cwmni preifat a ariennir gan Lywodraeth Cymru sy'n cynnig gwybodaeth, cyngor ac arweiniad gyrfaeddol i bobl o bob oed ledled ardal dde-orllewinol Cymru i gyd yw Gyrfa Cymru Gorllewin. Gall ddarparu gwybodaeth ar gyfer pobl ifanc am swyddi, cyrsiau a chyfleoedd hyfforddi. Mae ganddo wasanaeth swyddi gwag ar gyfer pobl dan 19 oed. I rieni gall roi cyngor a gwybodaeth i helpu i gynorthwyo eich plentyn gyda phenderfyniadau ynghylch eu gyrfa. Fel awdurdod lleol rydym yn rhannu gwybodaeth a ddelir ar ein cronfa ddata addysg yn y cartref fel bod eich plentyn chi'n cael yr un wybodaeth a chyfleoedd â phobl ifanc eraill yn Sir Benfro oni bai bod y rhieni'n gofyn yn benodol fel arall.

Mae swyddfeydd wedi'u lleoli yn y mannau canlynol;
Doc Penfro – 2A Meyrick Street, Doc Penfro, SA72 6UT. (01646) 623510
Aberdaugleddau – Marine House, Nantucket Avenue, SA73 2BE (01646) 691940
Hwlfordd – 31-33 High Street, Hwlfordd, SA61 2BW (01437) 772100



Gwobr Dug Caeredin (DofE)

Gall unrhyw un sydd rhwng 14 a 24 oed wneud Gwobr Dug Caeredin. Mae rhaglenni Gwobr Dug Caeredin yn cymryd rhwng 1 a 4 blynedd i'w cwblhau. Rydych yn ennill eich Gwobr trwy gwblhau rhaglen bersonol o weithgareddau mewn pedair rhan (pump os ydych yn mynd am wobwr Aur) – gweithgareddau Gwirfoddoli, Corfforol, Sgiliau, Alldaith ac ar gyfer gwobr Aur, gweithgaredd Preswyl.

Gellir cwblhau'r rhaglen ar dair lefel. Unwaith y maent wedi cael eu cwblhau'n llwyddiannus maent yn arwain at Wobr Efydd, Arian neu Aur. Y bobl ifanc sy'n dewis pa lwybr yr hoffent ei ddilyn. Gallwch wneud Gwobr Dug Caeredin trwy'r Gwasanaeth Ieuenctid, Sgowntiaid, Geidiau a.y.b. I gael rhagor o wybodaeth ewch at wefan Gwobr Dug Caeredin - <http://www.dofe.org>

Mae gan y Gwasanaeth Ieuenctid aelod o staff wedi'i neilltuo i Wobr Dug Caeredin. I gael rhagor o wybodaeth cysylltwch â'r Gwasanaeth Ieuenctid.

Cysylltwch â'ch Cydlynnydd Gwobr Dug Caeredin yng Nghyngor Sir Penfro.

Y GWASANAETH CWNSELA YSGOLION

Mae'r Gwasanaeth Cwnsela Ysgolion yn wasanaeth proffesiynol, cyfrinachol sydd ar gael i'r holl bobl ifanc yn Sir Benfro sydd rhwng 11 a 19 oed. Mae'r gwasanaeth yn cynnig lle rheolaidd i bobl ifanc siarad a meddwl am bethau sy'n bwysig iddynt ac mae'n gweithredu yn unol â Fframwaith Moesegol Cymdeithas Cwnselwyr a Seicotherapyddion Prydain (BACP).

Mae'r gwasanaeth yn hygyrch i bobl ifanc o fewn yr un ystod oedran sy'n cael addysg ddewisol yn y cartref a hynny ar sail allgymorth.

I gael rhagor o wybodaeth ffoniwch: 07920 702413.

DYSGU SIR BENFRO

Mae Dysgu Sir Benfro'n un o'r darparwyr Dysgu Oedolion a Chymunedol uniongyrchol mwyaf yng Nghymru ac mae cyrsiau'n agored i bawb sy'n 16 oed a throsodd.

Eu nod yw darparu ystod eang o gyrsiau sy'n gweddu i'n holl gwsmeriaid – trigolion a busnesau Sir Benfro. Os oes arnoch chi eisiau datblygu sgiliau a diddordebau newydd, gweithio tuag at gymhwyster neu wella eich rhagolygon gyrfa, mae ein cyrsiau'n darparu'r cyfle lleol delfrydol.

Cynhelir cyrsiau mewn nifer o wahanol leoliadau ledled y Sir, gan ei gwneud yn haws nag erioed dod o hyd i amser a lleoliad sy'n gweddu i chi. Rydym hefyd yn gallu darparu hyfforddiant pwrpasol i fusnesau; boed ar gyfer un person neu sefydliad cyfan, gallwn deilwra hyfforddiant i ddiwallu anghenion penodol.

Ceir cyrsiau rhan-amser rhad-ac-am-ddim mewn Sgiliau Hanfodol megis darllen, ysgrifennu a pheth TG sylfaenol gyda Dysgu Sir Benfro, gwasanaeth dysgu oedolion y Cyngor Sir. Ffoniwch y rhif rhadffôn 0808 100 3302 i gael gwybod mwy.

Mae angen i bobl ifanc fod yn 16 i gyfrif fel dysgwr sy'n oedolyn. Bydd Cofnod Dysgu Gydol Oes Cymru Llywodraeth Cymru yn derbyn y cofrestrriad os yw ar ôl yr 16eg pen-blwydd ac ar rai achlysuron gall rhai pobl ifanc dan 16 gael eu derbyn ar gyrsiau. Fodd bynnag, nid oes gorfodaeth ar y dysgwr i fynychu nac ar y gwasanaeth i dderbyn dysgwr.

CYNGOR AR BOPETH (CAB)

Eu nod yw rhoi'r cyngor y mae ar bobl ei angen ar gyfer y problemau y maent yn eu hwynebu a gwella'r polisïau a'r arferion sy'n effeithio ar fywydau pobl.

Rydym yn rhoi cyngor rhad-ac-am-ddim, annibynnol, cyfrinachol a diduedd i bawb ynghylch eu hawliau a'u cyfrifoldebau. Rydym yn gwerthfawrogi amrywiaeth, yn hybu cydraddoldeb ac yn herio gwahaniaethu.

CAB Sir Benfro (Hwlfordd)

43 Cartlett

Hwlfordd

Sir Benfro

SA61 2LH

Ffôn: 0844 4772020

E-bost: advice@pembscab.org.uk

Gwefan: www.citizensadvice.org.uk

GWASANAETH EIRIOLI PLANT A PHOBL IFANC SIR BENFRO A CHEREDIGION - TROS GYNNAL

Weithiau mae ar blant a phobl ifanc angen help er mwyn i'w lleisiau gael eu clywed. Efallai y bydd arnynt eisiau help i leisio'u barn neu i sicrhau bod eu barn yn cael ei chlywed ynglŷn â nifer o wahanol faterion sy'n effeithio arnynt. Sefydliad annibynnol yw Tros Gynnal sy'n rhoi cymorth eirioli, gwybodaeth am eu hawliau, cymorth mewn cyfarfodydd (er enghraifft gyda gweithwyr proffesiynol eraill), a help gyda chyfleu cwynion, i blant a phobl ifanc cymwys.

Ffôn: 01545 571865

Rhadffôn ar gyfer Pobl Ifanc: 0808 168 2599

Gwefan: www.trosgynnal.org.uk

(PAVS)

Gall pobl ifanc rhwng 14 a 25 oed gofrestru fel gwirfoddolwr ieuenctid a gallant brofi nifer o wahanol fathau o gyfleoedd gwirfoddoli a gwella'u sgiliau, cynyddu eu hyder a chwrdd â phobl newydd yn ogystal ag ennill achrediad neu gymwysterau. Ewch at eu gwefan i gael rhagor o wybodaeth:

Ffôn: 01437 769422

Gwefan: <http://www.pavs.org.uk/volunteering/youthvolunteering.htm>

E-bost: volunteering@pavs.org.uk

TÎM O AMGYLCH Y TEULU (TAF)

Gwasanaeth cymorth i chi a'ch teulu yw Tîm o Amgylch y Teulu. Dangoswyd mai'r drefn orau yw pan fo teuluoedd yn adnabod drostynt hwy eu hunain y newidiadau cadarnhaol y maent yn dymuno'u gwneud i fywyd teuluol. Bydd Tîm o Amgylch y Teulu'n cynorthwyo teuluoedd i wneud y newidiadau hyn. Gall hyn arwain at ddyfodol mwy cadarnhaol i'w plant.

Bydd Tîm o Amgylch y Teulu yn:

- Gweithio gyda'ch teulu i edrych ar y newidiadau yr hoffech eu gwneud i wella bywyd teuluol.
- Cytuno ar gynllun gweithredu, sy'n nodi sut y byddwch yn cyflawni'r newidiadau hyn a phwy fydd yn gyfrifol am bob cam gweithredu.
- Helpu eich teulu i deimlo'n fwy hyderus, er mwyn i chi allu cynnal y newidiadau hyn yn y dyfodol heb yr angen am eu cymorth.
- Dweud wrthyhych am wasanaethau cymorth eraill a fyddai hefyd yn gallu eich helpu i weithio ar eich cynllun.
- Gwneud i chi deimlo'n gyfforddus ynglŷn â defnyddio'r gwasanaeth eto os bydd gennych broblemau yn y dyfodol.

Gall unrhyw weithiwr proffesiynol eich atgyfeirio at y Tîm o Amgylch y Teulu (gyda'ch caniatâd chi). Cyn i chi wneud hyn, byddant yn siarad gyda chi am y newidiadau yr hoffech eu gwneud a pha gymorth yr ydych yn meddwl y bydd ei angen arnoch. Bydd angen i chi lofnodi ffurflen gydsynio i ni ddechrau gweithio gyda chi. Os neu pan na fydd angen eu cymorth arnoch mwyach gallwch dynnu'n ôl o'r cymorth unrhyw bryd.

Tîm o Amgylch y Teulu (TAF)

Canolfan Dechrau'n Deg,

Cross Park, Pennar,

Doc Penfro SA72 6SW

Ffôn: 01437 775700

IECHYD A LLES

HER IECHYD SIR BENFRO

Er ein bod yn byw am yn hwy rydym yn mynd yn llai iach. Un o amcanion allweddol partneriaid Her Iechyd Sir Benfro yw cynorthwyo pobl i fod mor iach â phosibl.

Fel rhan o'r strategaeth gyfredol, meysydd sy'n flaenoriaethau penodol yw:

- Lleihau ysmegu
- Hybu'r arfer o yfed alcohol yn gyfrifol
- Hybu'r arfer o fwyta'n iach
- Annog pobl i gael mwy o ymarfer corff
- Iechyd emosiynol a lles meddyliol

Gallwch gael rhagor o wybodaeth am y rhain i gyd, yn ogystal â chyngor ynghylch cyffuriau, alcohol, iechyd rhyw ac iechyd y geg trwy ddilyn y ddolen isod:

http://www.pembrokeshire.gov.uk/content.asp?nav=1210,1943&parent_directory_id=646

Y GWASANAETH NYRSIO MEWN YSGOLION

Er nad yw eich plentyn/plant yn mynychu ysgol maent yn dal i allu cael mynediad at y Gwasanaeth Nyrsio mewn Ysgolion. Mae Nyrsys Ysgol yn nyrsys cymwysedig y mae nifer ohonynt wedi cael hyfforddiant ac ennill cymwysterau ychwanegol ar ôl cofrestru, sy'n ymwneud ag anghenion iechyd plant a phobl ifanc. Mae ganddynt rolau penodol ac maent yn gyfrifol am roi gofal a darparu mewnbyn iechyd arall ar gyfer – Plant unigol o oedran ysgol, Teuluoedd a Chymunedau ysgolion. Maent yn darparu gwybodaeth am imiwneiddiadau, iechyd rhyw a llawer mwy.

Mae nyrsys ysgol ar gael i gynnig cyngor ar faterion megis gwlychu'r gwely, baeddu, gwybodaeth ddietegol, materion ymddygiadol, glaslencyndod/gwybodaeth am iechyd rhyw ac iechyd emosiynol.

Maent hefyd yn cyfranogi mewn addysg/hybu iechyd a gallant gynnig sesiynau grŵp gan gynnwys: bwyta'n iach, diogelwch yn yr haul, ysmegu, hylendid personol ac addysg rhyw.

I ofyn am y gwasanaeth ffoniwch:

Yr Adran Iechyd Plant, Ffôn: 01437 773850

GWEITHGAREDDAU ALLGYRSIOL

Efallai y bydd ar eich plentyn eisiau cymryd rhan mewn rhai o'r grwpiau mewn lifrai sy'n cwrdd yn lleol; mae hyn yn ffordd dda iddynt gwrdd â phlant a phobl ifanc eraill, gwneud ffrindiau ac ennill sgiliau a phrofiadau eraill.

Mae gwefan y geidiau'n darparu gwybodaeth am yr Enfysau (5-7 oed), y Brownis (7-10 oed) a'r Geidiau (10-14 oed). Ceir adran hŷn hefyd i ferched 14-26 oed sy'n gallu

dewis o ystod eang o gyfleoedd unigryw a chyffrous, gan gynnwys teithio yn y DU ac o amgylch y byd, gwirfoddoli gyda merched iau o fewn y Geidiau fel Mentor neu Arweinydd, a gweithio tuag at gymwysterau gwerthfawr.

Gwefan: www.girlguiding.org.uk/interested

Ffôn: 0800 1 69 59 01

Mae gwefan y Sgowtiaid yn darparu gwybodaeth am yr Afancod (6-8 oed), y Cybiau (8-10 oed), y Sgowtiaid (10-14 oed) a'r Sgowtiaid Chwilota (14-18 oed).

Gwefan: www.scouts.org.uk/join

Ffôn: 0845 300 1818

Ewch at y dudalen hon hefyd :

http://www.pembrokeshire.gov.uk/content.asp?SocietyCat=79&id=18696&nav=107,108,1887&parent_directory_id=646&language=&textonly

DRAMA A DAWNS



Theatre Arts Schools
Stagecoach

Celfyddydau Theatr Stagecoach - Hwlfordd

Canu, Dawns a Drama i fechgyn a merched 4-18 oed

Ysgol Syr Thomas Picton,

Queensway,

Hwlfordd SA61 2NX

Ffôn: 0845 604 1422

ACADEMI DAWNS GORLLEWIN CYMRU

O ballet plant i hip hop yr arddegau ac oedolion, jazz fodern neu ddawnsio stryd mae gennym rywbeth i bawb, o Ballet Babanod i blant 2 oed. Cynhelir dosbarthiadau yn Aberdaugleddau, Doc Penfro, a Hwlfordd. Addysgir plant mewn amgylchedd saff a diogel ac mae'r holl staff wedi cael gwiriad y Gwasanaeth Datgelu a Gwahardd, yn meddu ar Gymwysterau Llawn ac yn Gofrestredig. Mae Academi Dawns Gorllewin Cymru'n aelod o fwrdd arholi byd-eang ym mhob arddull dawns a drama, Cynghrair y Deyrnas Unedig ac yn aelod corfforaethol o Gyngor Dawns Prydain.

Gwefan: www.westwalesacademyofdance.co.uk

Ffôn: 07876 702810

E-bost: info@westwalesacademyofdance.co.uk

THEATR IEUENCTID ARBERTH

Court House

Market Square

Arberth, Sir Benfro.

SA67 7AU

www.narberthyt.co.uk
07971 881539
E-bost: narberthyouththeatre@yahoo.co.uk
www.facebook.com/#!/narberthyt.co.uk

Ar gyfer egin berfformwyr ifainc rhwng 11 a 18 oed. Bydd croeso i bobl â phrofiad o godi arian, marchnata, rheoli llwyfan a phobl â sgiliau technegol hefyd. Nid yn unig y bydd gan aelodau iau'r gymuned le diogel i fynd gyda'r nos, ond bydd ganddynt hefyd le i gael hwyl, profiad ac ennill sgiliau newydd, a chael cyfle i ehangu eu gorwelion trwy theatr.

THEATR IEUENCTID TORCH

Theatr Ieuenctid Iau

Cynhelir y Theatr Ieuenctid Iau yn Theatr Torch ar ddyddiau Sul yn ystod y tymor ym man ymarfer nwydd sbon y theatr 'The Junction'. Mae'r grŵp wedi'i rannu'n 2 ddosbarth oedran, sef plant 3-4 oed a 5-6 oed gyda 2 sesiwn ar wahân.

Yn ystod y tymor mae'r plant yn cael y cyfle i ddysgu sgiliau newydd a gwneud ffrindiau newydd trwy gymryd rhan mewn amryw gemau drama ac ymarferion actio. Mae'r sesiynau hyn wedi'u bwriadu i gynyddu hyder pobl ifanc trwy actio a chwarae rôl ac maent yn digwydd bod yn llawer o hwyl!

Theatr Ieuenctid Hŷn

Cynhelir y Theatr Ieuenctid Iau yn Theatr Torch ar nosweithiau Mawrth yn ystod y tymor ym man ymarfer nwydd sbon y theatr 'The Junction'. Mae ein rhaglen Theatr Ieuenctid Hŷn wedi'i rhannu'n 3 dosbarth oedran, sef plant 7-8 oed, 9-10 oed ac 1-3 oed gyda thair sesiwn ar wahân.

Yn ystod y tymor mae'r Theatr Ieuenctid Hŷn yn cael y cyfle i ddatblygu gwahanol ddisgyblaethau sy'n ofynnol ar gyfer gweithio ym myd y celfyddydau. Mae ffocws ar waith byrfyfyr, creu a gwahanol dechnegau a ddefnyddir i ddatblygu cymeriad. Maent hefyd yn addysgu'r holl gemau drama hwyl ac ymarferion actio arferol sydd wedi'u bwriadu i ddatblygu hyder mewn pobl ifanc. Mae'r Theatr Ieuenctid Hŷn hefyd yn cael y cyfle i gael sesiynau 'untro' dan arweiniad pobl broffesiynol yn y diwydiant ac yn cael y cyfle i berfformio cynhyrchiad arddangos ym Mhrif Dŷ'r Theatr.

Os hoffech ragor o wybodaeth am y Theatr Ieuenctid Iau neu Hŷn ffoniwch: Ffôn: 01646 694192

E-bost: education@torchtheatre.co.uk.

Gwefan: www.torchtheatre.co.uk/torch-youth-theatre

CLWB FFERMWYR IFANC

Mudiad ieuenctid gwledig yw'r Clwb Ffermwyr Ifanc (CFI), ar gyfer unrhyw un rhwng 10 a 26 oed. Mae Clybiau a Ffederasiynau Sirol yn aelodau o Ffederasiwn Clybiau

Ffermwyr Ifanc Cymru a'r Ffederasiwn Clybiau Ffermwyr Ifanc Cenedlaethol (NFYFC).

Mae aelodau'n mwynhau cymdeithasu a rhyngweithio gyda phobl o'r un oedran; dysgu; cyflawni a chael hwyl. Er gwaethaf yr enw, mae Clybiau'n trefnu eu rhaglen eu hunain ar gyfer eu cyfarfodydd rheolaidd, gyda gweithgareddau sy'n cynnwys chwaraeon, crefftau, datblygu sgiliau. Gydag ystod mor eang, mae clybiau'n sicrhau bod rhywbeth at ddant pob aelod. Caiff gweithgareddau clybiau eu hategu gan y rhai a drefnir gan weithgareddau CFfl Sir Benfro, megis cystadlaethau, a digwyddiadau cymdeithasol/codi arian. Nid oes angen i chi fod yn ffermwr i ymuno!

Mae gan CFfl Sir Benfro ddwsin o glybiau sydd wedi'u gwasgaru dros y sir o Eglwyswrw yn y gogledd yr holl ffordd i lawr i Dde Sir Benfro. Mae clybiau'n cynnig cyfleoedd rhyfeddol ac mae ganddynt y gallu i gynnig profiad i bob person ifanc ni waeth beth fo'u hoedran na'u diddordebau. Mae ein clybiau'n cynnig ystod amrywiol o weithgareddau a nosweithiau clwb o gystadlaethau, i nosweithiau clwb gyda chŵn heddlu, blasu hufen iâ, paentio wyneb, gwneud selsig, ac ymweliadau i wyllo gemau rygbi, nosweithiau ffilm a chyfoeth o gyfleoedd eraill. Ceir calendr cymdeithasol iach hefyd gyda dawnsfeydd a chyfleoedd i gymysgu a gwneud ffrindiau newydd o bob rhan o'r sir.

Trefnydd Sirol CFfl Sir Benfro
Agriculture House,
Winch Lane,
Hwlfordd,
SA61 1RW
E-bost: sir.benfro@yfc-wales.org.uk
Ffôn: – 01437762639 / 07970041117
Gwefan: <http://pembrokeshireyfc.org.uk/>

YR URDD

Mudiad cyffrous, deinamig i blant a phobl ifanc yw'r Urdd. Mae'n trefnu ystod o wahanol weithgareddau ledled Cymru. Mae gennym 16 o swyddogion datblygu sy'n gweithio ledled Cymru i sicrhau bod yr Urdd yn cynnig rhaglen lawn o weithgareddau i blant a phobl ifanc.

Sefydlwyd yr Urdd ym 1922 i roi'r cyfle i blant a phobl ifanc ddysgu a chymdeithasu trwy gyfrwng y Gymraeg. Mae'n rhoi'r cyfle i bobl ifanc Cymru fyw bywydau byrlymus trwy gyfrwng y Gymraeg, gan ddysgu parchu ei gilydd a phobl o amgylch y byd ar yr un pryd. Mae'r Urdd yn croesawu siaradwyr a dysgwyr Cymraeg.

Canolfan yr Urdd Pentre Ifan
Felindre Farchog
Crymych
Sir Benfro
SA41 3XE

Ffôn 01239 820317
Ffacs 01239 820317
DyfedSion@urdd.org

Gwefan: www.urdd.org

GWEFANNAU GWYBODAETH

www.electivehomeeducation.co.uk - Ffôn: 0845 602 072

Mae'r wefan hon yn darparu dolenni ar gyfer gwybodaeth ac adnoddau sydd wedi profi'n werthfawr i rieni sydd naill ai'n ystyried neu sydd wrthi'n frwd yn darparu Addysg Ddewisol yn y Cartref.

www.educationotherwise.net – Ffôn: 0845 478 6345

Mae'r wefan hon yn darparu gwybodaeth ac adnoddau ar gyfer teuluoedd sy'n darparu addysg yn y cartref a'r rhai sy'n ystyried addysg yn y cartref am y tro cyntaf, gan gynnwys canllawiau ynghylch addysgu yn y cartref a'r gyfraith, AAA ac anabledau; taflenni ffeithiau y gellir eu lawrlwytho sy'n cwmpasu sawl agwedd ar AU; a dolenni i grwpiau AU lleol ledled y DU. Os ydych chi'n newydd i AU, efallai yr hoffech ddechrau trwy ddarllen eu 'Cwestiynau Cyffredin'.

<http://www.he-special.org.uk/>

Dyma wefan y rhestr ohebu HE-Special-UK. Grŵp o deuluoedd ydym sy'n darparu Addysg yn y Cartref ar gyfer plant ag Anghenion Addysgol Arbennig ac anabledau. Nid yw ein plant yn mynychu'r ysgol, neu mewn rhai achosion efallai eu bod yn mynychu'r ysgol yn rhan-amser yn unig. Os ydych chi'n darparu Addysg yn y Cartref ar gyfer plentyn ag Anghenion Addysgol Arbennig neu anabledau, neu os yw hyn yn rhywbeth yr ydych yn meddwl amdano, yna hoffwn eich gwahodd i ymuno â'n rhestr e-bost. Bydd croeso cynnes i chi .

<http://www.heas.org.uk/> - Ffôn: 01707 371854

Elusen addysg yn y cartref yn y Deyrnas Unedig yw HEAS. Mae'n ymroddedig i roi cyngor a chymorth ymarferol i deuluoedd sy'n dymuno addysgu eu plant gartref yn lle'u hanfon i'r ysgol. Mae HEAS yn cynnig gwybodaeth i deuluoedd sy'n darparu addysg yn y cartref gan gynnwys cyngor ynghylch deunyddiau addysgol, adnoddau, arholiadau TGAU, anghenion addysgol arbennig, technoleg gwybodaeth, materion cyfreithiol a dylunio'r cwricwlwm. Mae HEAS yn cynhyrchu ystod o daflenni a'r Llawlyfr Addysg yn y Cartref. Hefyd, mae tanysgrifwyr i HEAS yn cael y Bwletin HEAS chwarterol, mynediad at y Llinell Gynghori, cysylltiadau â thanysgrifwyr eraill a cherdyn cofrestru HEAS (ar gyfer teuluoedd sy'n addysgu yn y cartref) sy'n rhoi mynediad am ddim neu am gyfraddau is i rai amgueddfeydd a safleoedd o ddiddordeb.

www.home-education.org.uk

Nod y wefan yw rhoi cymorth i bobl sy'n darparu neu'n ystyried darparu addysg yn y cartref yn y DU, ac mae'n rhoi cymorth i bobl sy'n darparu addysg yn y cartref mewn gwledydd eraill trwy ddarparu gwybodaeth ac adnoddau ar-lein ar gyfer pobl sy'n darparu addysg yn y cartref.

Mae'n dynodi ei bod yn darparu adnoddau ar-lein a gwybodaeth hygyrch ar gyfer pobl sy'n darparu addysg yn y cartref yn y DU ac y bydd yn ymateb i gwestiynau.

<http://edyourself.org/articles/EnglandandWales.php>

Gwaith Fiona Nicholson yw'r wefan hon. Mae Fiona wedi rhoi tystiolaeth i Bwyllgorau'r Llywodraeth ar bwnc addysg ddewisol yn y cartref a gall roi dadansoddiad cyfoes eglur i chi o'r meysydd allweddol o ran arfer a pholisi addysg ddewisol yn y cartref yng Nghymru a Lloegr. Ceir gwefan sy'n cyd-fynd â hon ac sydd wedi'i neilltuo i addysg yn y cartref ac anghenion arbennig yn Lloegr

<http://www.ehe-sen.org.uk/>

<http://www.zoneseven.co.uk/>

Rydym yn Elusen Gofrestredig a sefydlwyd i Gefnogi, Hysbysu a darparu gweithgareddau addysgol ar gyfer plant a Addysgir yn y Cartref a'u teuluoedd. Rydym yn Ganolfan Agored Cymru Gydabyddedig a chan hynny gallwn gynnig cyfleoedd i achredu dysgu ar gyfer y rhai dros 11 oed. Rydym wedi'n lleoli ym Mhontarddulais.

<http://www.waleshomeeducation.co.uk/>

Mae Wales Home Education yn chwaer wefan i New Foundations Home Education sef grŵp addysg yn y cartref Caerdydd ac Addysg Ddewisol yn y Cartref Cymru. Nod y wefan hon yw dwyn ynghyd ddisgowntiau am ddim, y gyfraith fel y mae'n berthnasol i Gymru a chymorth i deuluoedd ledled Cymru.

GWEFANNAU ADNODDAU

www.edplace.com - Ffôn: 02071 839818

Cwmni bach sy'n ymroddedig i rymuso rhieni yn addysg eu plant a darparu adnoddau addysg ar gyfer rhieni yw hwn. Maent yn cwmpasu Saesneg, Mathemateg a Gwyddoniaeth ar draws y Cwricwlwm Cenedlaethol yng Nghyfnodau Allweddol 1 i 4 gan gyfuno offer ar-lein ag adnoddau blaenllaw a grëwyd gan ein hathrawon. Mae'r cynnwys yn ddiddorol ac yn effeithiol i blant ac yn gyfoes yn ôl y Cwricwlwm.

www.oxfordhomeschooling.co.uk

Maent yn dynodi bod ganddynt 18 mlynedd o brofiad o helpu unigolion i ennill cymwysterau TGAU, TGAU Ryngwladol a Safon Uwch trwy addysg yn y cartref. Mae miloedd lawer o unigolion yn astudio gyda hwy bob blwyddyn ac yn mynd ymlaen i ennill cymwysterau. Maent yn rhoi pwyslais mawr ar y cymorth a roddir i'n myfyrwyr ac yn cynnig cymorth rhagweithiol gan diwtoriaid. Mae'r holl gyrsiau wedi cael eu datblygu gan arbenigwyr yn eu maes, ac mae eu tîm o ddatblygwyr cyrsiau addysg yn y cartref yn sicrhau eu bod yn hygyrch, yn ysgogol ac yn effeithiol o ran helpu eich plentyn i ddysgu.

http://www.bbc.co.uk/schools/parents/home_education/

Mae'r wefan hon yn darparu taflenni gwaith, gweithgareddau a gemau addysgol i helpu eich plentyn i ddysgu gartref o 4-16 oed, gan gynnwys gweithgareddau hanes ac ati. Mae'n cynnwys blog i rieni gael cyngor a rhannu profiadau.

<http://home-ed.info/heresources.htm>

Mae'r tudalennau hyn yn rhestru amrywiaeth o adnoddau addysgol y gellir eu defnyddio i helpu eich plant i ddysgu gartref gan gynnwys cyflenwadau gwyddoniaeth a thechnoleg i'w defnyddio yn y cartref. Maent yn rhestru lleoedd i gael gafael ar adnoddau a gwefannau i'w defnyddio. Maent yn rhoi cyngor ynghylch cymwysterau TGAU i bobl sy'n addysgu yn y cartref.

www.parentsintouch.co.uk

Caiff y wefan hon ei rhedeg gan gyn-bennaeth sydd wedi addysgu mewn ysgolion gwladol ac annibynnol. Darperir taflenni gwaith rhad-ac-am-ddim ar y wefan, sy'n enghreifftiau o bron i 6000 o daflenni gwaith sydd ar gael i danysgrifwyr. Rhaid i chi gofrestru i lawrlwytho'r rhain. Mae llawer o adnoddau felly porwch drwy'r wefan i weld mwy.

<http://www.skillsheets1.freemove.co.uk/index.htm>

Cyfes o 32 o lyfrau o daflenni gwaith y gellir eu llungopïo sydd wedi'u bwriadu i addysgu mathemateg a Saesneg sylfaenol mewn ffordd syml a dealladwy yw SKILLSHEETS. Fe'u defnyddir gan athrawon i wella sgiliau gweithredol oedolion a phlant hŷn yn eu harddegau. Mae'r taflenni gwaith ar gael ar ddisg hefyd. Ceir gwersi Mathemateg ar-lein hefyd. Defnyddir SKILLSHEETS gan diwtoriaid preifat ac mewn lleoliadau prif ffrwd.

<http://www.inclusiontrust.org.uk/>

Mae gan yr Ymddiriedolaeth Cynhwysiant enw am ragoriaeth ym maes ymchwil addysgol. Mae gennym brofiad o gyflwyno Darpariaeth Amgen am dros 12 mlynedd, trwy ein prosiect blaenllaw NotSchool. Dewis arall yn lle addysg 'draddodiadol' yw NotSchool. Maent yn defnyddio dull addysgegol wedi'i bersonoleiddio i ddiwallu anghenion dysgu unigol. Mae hyn yn cynnwys y bobl ifanc hynny o amgylchiadau anodd, sydd â phresenoldeb eithriadol o wael, sydd wedi ymddieithrio oddi wrth

Addysg Brif Ffrwd ac sy'n wynebu mwy o risg o fod yn rhai Nad Ydynt mewn Addysg, Cyflogaeth Na Hyfforddiant.

Mae athrawon cymwysedig yn cynnig adborth effeithiol i arwain y dysgu a datblygiad personol mewn amgylchedd ar-lein sy'n cael ei fonitro'n fanwl i ddiogelu lles y bobl ifanc. Caiff y ddarpariaeth hon ei theilwra i ddatblygu strategaethau llythrennedd, rhifedd a dysgu i ddysgu. Maent yn tracio ymgysylltiad, cynnydd a chyflawniad yn drylwyr, gan ddarparu gwybodaeth gyfoes ar gyfer ysgolion a rhieni.

<http://www.interhigh.co.uk/> - Ffôn: 01874 731118

Bydd y wefan hon yn eich cyflwyno i fath newydd o ysgol. A hithau wedi'i sefydlu yn 2005, mae Ysgol InterHigh yn cynnig addysg uwchradd gyflawn ar y rhynggrwyd. Cyflwynir gwersi gan athrawon ac mae'r disgyblion yn mewngofnodi i ystafelloedd dosbarth rhithwir.

Fe gewch chi bopeth y byddech yn disgwyl ei weld mewn ysgol draddodiadol ond gyda'r cyfan wedi'i leoli ar y rhynggrwyd. Mae Ysgol InterHigh yn derbyn disgyblion trwy gydol y flwyddyn academiaidd felly cwblhewch a chyflwynwch y Ffurflen Gofrestru os hoffech gael y cyfle i ymuno ag Ysgol InterHigh.

<http://educationnow.gn.apc.org>

Cwmni ymchwil, ysgrifennu a chyhoeddi di-elw, sy'n gwmni cydweithredol sy'n ymroddedig i ddatblygu mathau mwy hyblyg o addysg a mwy o amrywiaeth addysgol.

<http://jcgq.org.uk>

Y Cydgyngor Cymwysterau Cyffredinol – Cysylltwch ar gyfer cyfeiriadau byrddau arholi.

<http://www.nec.ac.uk>

Y Coleg Estyniad Cenedlaethol – Mae'n darparu dysgu agored trwy ei goleg gohebol. Mae'n cynnig cyrsiau, tiwtoriaid, llawlyfrau, canllawiau technegol a chanllawiau ymarferol TGAU a Safon Uwch.

<http://www.weshome.demon.co.uk>

Gwasanaeth Addysg Byd-eang – Mae'n cynorthwyo teuluoedd gydag addysg plant o oedran cynradd.

<http://www.warwick-district.org.uk?flexi>

Gwybodaeth gan Kate Oliver am addysg hyblyg

<http://www.satellitesschool.org.uk>

Mae'n cynnig y System Addysg Ysgol Loeren – ystod o gyrsiau'n cael eu darparu dros y rhynggrwyd ffel pecyn cyfan i ddiwallu anghenion addysgol y plant hynny sydd, am amryw resymau, ddim yn cael addysg ysgol lawn-amser.

<http://www.educationotherwisewales>

Cymorth uniongyrchol gan bobl sy'n addysgu yn y cartref yng Nghymru.

Cysylltiadau ac adnoddau defnyddiol

Gyrfa Cymru

www.careerswales.com

Comisiynydd Plant Cymru

www.childcomwales.org.uk

Ed Yourself

www.edyourself.org

Education Otherwise

www.educationotherwise.net

Plant Sipsiwn, Roma a Theithwyr

www.gypsy-traveller.org

Gwasanaeth Cyngori ar Addysg yn y Cartref

www.heas.org.uk

Addysg yn y Cartref yn y DU

www.home-ed.info

Hwb

www.hwb.gov.wales/

Llywodraeth Cymru

www.gov.wales/

Adnoddau addysgol ar-lein

Cynradd www.familylearning.org.uk

www.starfall.com

www.primaryresources.co.uk

www.teachitprimary.co.uk

www.readingeggs.co.uk

Uwchradd www.gcse.com

www.getrevising.co.uk/

www.revisionworld.com

Yn benodol ar gyfer Mathemateg

www.mymaths.co.uk

www.cleavebooks.co.uk/trol/index.htm

www.mathsroom.co.uk

www.nrich.maths.org/frontpage

www.freemathhelp.com/index.html

www.mathsphere.co.uk/resources

www.doodlemaths.com

Yn benodol ar gyfer Gwyddoniaeth

www.rigb.org/

35

www.thehappyscientist.com

www.cam.ac.uk/science-festival

www.thebigbangfair.co.uk

www.sciencekids.co.nz/gamesactivities.html

www.woodlandtrust.org.uk/learn/children-andfamilies

www.youtube.com/user/click4biology?feature=watch

www.youtube.com/user/BackstageScience?feature=watch

www.periodicvideos.com

www.chemactive.com
www.schoolphysics.co.uk
www.cyberphysics.co.uk
www.physicsclassroom.com
www.gcscience.com/gcse-physics-revision.htm
www.cosmolearning.com/physics

Yn benodol ar gyfer Saesneg

www.literacytrust.org.uk
www.doodleenglish.com

Yn benodol ar gyfer Hanes

www.historylearningsite.co.uk
www.schoolhistory.co.uk

Yn benodol ar gyfer Daearyddiaeth

www.nationalgeographic.com
www.geography.org.uk/Teaching-resources
www.fieldguides.com

Yn benodol ar gyfer Ieithoedd

www.french-games.net
www.bbc.co.uk/languages
www.rosettastone.co.uk
www.mangolanguages.com
www.spanishdict.com
www.studyspanish.com/tutorial.htm

Yn benodol ar gyfer Cerddoriaeth

www.classicsforkids.com
www.naxosmusiclibrary.com
www.musicteachers.co.uk/resources/features

Yn benodol ar gyfer y Celfyddydau

www.free-teaching-resources.co.uk/lessonideas/art-design/index.html

Pob pwnc

www.bbc.com/bitesize
www.twinkl.co.uk
www.education.com/worksheets
www.memrise.com

Cwricwlwm seiliedig ar Ffydd

www.teach-at-home.org
www.sonlight.com

Dysgu o bell

www.briteschool.co.uk
www.interhigh.co.uk
www.oxfordhomeschooling.co.uk

36

www.nec.ac.uk
www.catherinemoonetutoring.co.uk
www.echo.education
www.alison.com
www.cloudlearn.co.uk
www.openuniversity.edu

Cysylltiadau gwasanaethau cyffredinol

Nam ar y synhwyrâu

Sefydliad Cenedlaethol Brenhinol Pobl Ddall (RNIB)

Ffôn: 0303 123 9999

www.rnib.org.uk/wales-cymru-1

Action on Hearing Loss (Sefydliad Cenedlaethol Brenhinol Pobl Fyddar)

Ffôn: 0808 808 0123

Ffôn testun: 0808808 9000

www.actiononhearingloss.org.uk/default.aspx

SENSE Cymru

Ffôn: 0300 330 9280

Ffôn testun: 0300 330 9282

www.sense.org.uk/get-support/centres-education-and-day-services/touchbase/

Cymdeithas Genedlaethol Plant Byddar (NDCS) Cymru

Ffôn: 0808 800 8880

Cymdeithas Pobl Fyddar Prydain

Ffôn: 020 7697 4140

Ffôn testun: 07795 410 724

E-bost: bda@bda.org.uk

Iaith a lleferydd

AFASIC Cymru – datgloi iaith a lleferydd

Llinell Gymorth: 0300 666 9410

Ffôn: 029 2046 5854

www.afasiccymru.org.uk

Anawsterau Dysgu

Anabledd Dysgu Cymru

Ffôn: 029 2068 1160

www.ldw.org.uk

Dyslexia Action

Ffôn: 02920 481122

www.dyslexiaaction.org.uk

MENCAP Cymru

Helpline: 0808 808 1111

37

www.mencap.org.uk

Prosiect Ymgynghorol Anghenion Arbennig (SNAP) Cymru

Ffôn: 0845 120 3730

www.snapcymru.org

Awtistiaeth

Cymdeithas Genedlaethol Awtistiaeth (NAS) Cymru

Ffôn: 0808 800 4104

www.autism.org.uk

www.autism.org.uk/services/wales.aspx

Y Tîm Awtistiaeth Cenedlaethol

www.ASDinfo.wales.co.uk

Iechyd Meddwl

Gwasanaethau Iechyd Meddwl Plant a'r Glasoed (CAMHS)

www.nhs.uk/using-the-nhs/nhs-services/mental-health-services/child-and-adolescentmental-

[health-services-camhs/](#)

Mind Cymru

www.mind.org.uk

Sefydliadau cymorth meddygol

Gwasanaeth Gwybodaeth a Chymorth Cenedlaethol Anhwylder Diffyg

Canolbwyntio (ADDiSS)

Ffôn: 0208 952 2800

www.addiss.co.uk

Sefydliadau cymorth cyffredinol

Gweithredu dros blant

Ffôn: 0300 123 2112

www.actionforchildren.org.uk

Barnardo's Cymru

Ffôn: 029 2049 3387

www.barnardos.org.uk/wales

Plant yng Nghymru

Ffôn: 029 2034 2434

www.childreninwales.org.uk

Action for Sick Children

Ffôn: 0800 744519

www.actionforsickchildren.org.uk

Cyrff cyhoeddus

Y Comisiwn Cydraddoldeb a Hawliau Dynol

38

Ffôn: 0808 800 0082

Ffôn testun: 0808 800 0084

www.equalityhumanrights.com

Yr Awdurdod Gweithredol Iechyd a Diogelwch

Llinell Wybodaeth: 08701 545500

Ffôn: 029 2026 3000

www.hse.gov.uk

Cysylltu â theulu – i deuluoedd â phlant anabl

Helpline: 0808 808 3555

www.cafamily.org.uk

Galw'r GIG Cymru

Ffôn: 0845 46 47

www.nhsdirect.wales.nhs.uk/contactus/feelingunwell

GWEITHLYFRAU DEFNYDDIOL

Ar gael o Amazon, W.H. Smiths, The Works a siopau llyfrau eraill:

Llyfrau cyrsiau CGP

Llyfrau Adolygu Letts

Llyfrau Schoffield & Sims

Llyfrau Adolygu Collins

Llyfrau Lonsdale

Help gyda Gwaith Cartref

COLEGAU

Mae Coleg Ceredigion yn cynnig ystod gyffredinol eang o gymwysterau a fydd yn helpu ym mha bynnag lwybr gyrfa y byddwch yn ei ddewis. Mae'n cynnig cyrsiau cyn TGAU a chysiau TGAU o 15 oed.

Ffôn: 01239 612032

Gwefan: <http://www.ceredigion.ac.uk>

Coleg Sir Benfro, Hwlfordd.

Mae'n Cynnig Cyrsiau Pontio; Cyrsiau Ôl-16 a lleoliad i sefyll arholiad.

Ffôn: 01437 753000

Gwefan: www.pembrokeshire.ac.uk

CYSYLLTIADAU'R AWDURDOD LLEOL

Maria Griffiths (Ymgynghorydd ar gyfer Addysg Ddewisol yn y Cartref yn Sir Benfro)

Ffôn: 01437 776614 / 07717 348534

Cara Huggins (Prif Swyddog Lles Addysg a Rheolwr Addysg Ddewisol yn y Cartref)

Ffôn: 01437 775022

Atodiad 4

Enw'r Plentyn	
Dyddiad Geni	
Bachgen/Merch	
Cyfeiriad	

Dyddiad yr Ymweliad	
---------------------	--

Cafwyd diweddariad dros y ffôn.

Yn ystod Cyfyngiadau Symud y Pandemig, roedd y Disgybl yn dilyn rhaglen strwythuredig. Llun – Gwener roedd yn astudio Mathemateg, Saesneg, Gwyddoniaeth, Hanes, Daearyddiaeth, Darllen a Chelf. Mae'n gweithio'n annibynnol ac yn ceisio cymorth dim ond pan fo'n sownd. Pan oedd ei waith strwythuredig wedi'i gwblhau byddai'n mwynhau gweithgareddau awyr agored megis y pwll nofio, garddio a phêl-droed. Dechreuodd ymwneud â chynnal a chadw pwll nofio'r teulu. Roedd y disgybl yn mwynhau Rhaglenni Addysg Gorfforol Joe Wicks ac yn cyfathrebu gyda'i ffrindiau dros Facetime.

Mae bellach wedi dechrau gweithlyfrau Cyfnod Allweddol 3 ym mhob pwnc ac mae wedi cofrestru ar gyfer cyrsiau gydag MEL Chemistry a Choleg Celf Llundain. Mae'n darllen Dyddiadur Anne Frank ac mae wedi mwynhau dwy sesiwn weldio gyda'i dad-cu. Mae ei wersi gitâr yn ailddechrau'r wythnos hon ac mae gwersi Dawnsio Stryd a Nofio i fod i ailddechrau cyn bo hir. Mae'n dal i fwynhau defnyddio'i gamera digidol ac yn goddef gwisgo masg. Yr wythnos hon bydd yn cwrdd wyneb yn wyneb ag un o'i ffrindiau sy'n cael addysg yn y cartref.

Cytunwyd y dylem gwrdd eto ymhen deuddeng mis.

Dyddiad yr Ymweliad Nesaf	
Ymgynghorydd Addysg Ddewisol yn y Cartref	Carolyn Waters